

漢書門		四	三	二	五
類		號	函	架	冊

漢書		四	三	二	五
類		號	函	架	冊

內閣文庫	
番號	漢 4430
冊數	50(2)
函號	281 3

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak



唐書本紀卷第三

劉 昫 等修

聞人詮校刻沈相同校

太宗下

四年春正月乙亥

道行軍總管李靖大破突厥獲隋皇后蕭氏

及煬帝之孫正道

京師癸巳武德殿北院火二日己亥幸溫湯

甲辰李靖又破突厥于陰山頡利可汗輕騎遠遁丙午至自溫湯甲

寅大赦賜酺五日民部尚書戴胄以本官檢校吏部尚書參預朝政

太常卿蕭瑀為御史大夫與宰相參議朝政御史大夫西河郡公溫

彥博為中書令三月庚辰大同道行軍副總管張寶相生擒頡利可

汗獻於京師甲申尚書右僕射蔡國公杜如晦薨甲午以俘頡利告

於太廟夏四月丁酉御順天門軍吏執頡利以獻捷自是西北諸蕃

咸請上尊號為天可汗於是降璽書冊命其君長則兼稱之秋七月

甲子朔日有蝕之上調房玄齡蕭瑀曰隋文何等王對曰克己復禮

勤勞思政每一坐朝或三日受三品已上引之論毒宿衛之人傳殮而食雖非性體仁明亦勵精之主也上曰公得其一未知其二此人性至察而心不明夫心暗則照有不通至察則多疑於物自以欺孤寡得之謂群下不可信任事皆自決雖勞神苦形未能盡合於理朝臣既知上意亦復不敢直言宰相已下承受而已朕意不然以天下之廣豈可獨斷一人之慮朕方選天下之才為天下之務委任責成各盡其用庶幾於理也因令有司詔勅不便於時即宜執奏不得順旨施行八月丙午詔三品已上服紫五品已上服緋六品七品以綠八品九品以青婦人從夫色甲寅兵部尚書代國公李靖為尚書左僕射九月庚午令收瘞長城之南骸骨仍令致祭壬午令自古明王聖帝賢臣烈士墳墓無得芻牧春秋致祭冬十月壬辰幸隴州曲赦隴岐二州給復一年十日校獵於貴泉谷十三日校獵於魚龍川自射鹿獻於大安宮甲子至自隴州戊寅判決罪人不得鞭背以明堂孔穴針灸之所兵部尚書侯君集參議朝政十二月辛亥開府儀同

三司淮安王神通薨甲寅高祖曰王勳文泰來朝是歲斷死刑二十九人幾致刑措東至于海南西至于嶺皆外戶不閉行旅不齎糧焉五年正月癸酉大蒐於昆明池並會夷君長咸從丙午親獻禽於大安宮己卯幸左藏庫賜三品已上白巾任其輕重癸未朝集使請封禪己酉封皇弟元裕為鄆王元名為誥王靈夔為魏王元祥為許王元曉為密王庚戌封皇子愔為梁王上只為漢王惲為郟王治為晉王慎為申王囂為江王簡為代王夏四月壬辰代王簡薨以金帛贖中國人因隋亂沒突厥者男女八萬人盡還其家屬六月甲寅太子少師新昌縣公李綱薨七月甲辰遣使取高麗所立京觀收隋人骸骨祭而葬之戊申初令天下決死刑必二覆奏在京諸司五覆奏其日尚食進蔬食內教坊及太常不舉樂秋九月乙丑賜群官大射於武德殿冬十月右衛大將軍順州都督北平郡王阿史那什鉢苾卒十二月壬寅幸溫湯癸卯獵於驪山丙午賜新豐高年帛有差戊申至自溫湯六年春正月乙卯朔日有蝕之二月丙戌置三師官貞戊子初置律

學三月戊辰幸九成宮六月己亥鄴王元亨薨辛亥江王翳薨冬十月乙卯至自九成宮十二月辛未親錄囚徒歸死罪者二百九十八家令明年秋末就刑其後應期畢至詔悉原之是歲党項荒前後內屬者三十萬口

七年春正月戊子詔曰宇文弼及弟智及司馬德戡裴虔通孟景元禮楊覽唐奉義牛方裕元敏薛良馬舉元武達李孝本李孝質張愷許弘仁令狐行達席德方李善等大業季年成居列職或恩結一代在重一時乃包藏凶慝罔思忠義爰在江都遂行弑逆罪百閭趙襲深梟鏡雖事是前代歲月已久而天下之惡古今同棄宜賞重典以勵臣節其子孫並宜禁錮勿令齒叙是日上製破陣樂舞圖辛丑賜京城酺三日丁卯雨上乙酉薛延陀遣使來朝庚寅秘書監檢校侍中魏徵為侍中癸巳直太史將仕郎李淳風鑄渾天黃道儀奏之置於疑暉閣夏五月癸未幸九成宮八月山東河南三十州大水遣使賑恤冬十月庚申至自九成宮十二月丁丑頒新定五經壬辰開府儀

同三司齊國公長孫無忌為司空十二月丙辰狩于少陸原詔以少牢祭杜如晦杜淹李綱之墓

八年正月癸未右衛大將軍御史那吐苾卒辛丑右屯衛大將軍張士貴討東西五洞反獠平之壬寅命尚書右僕射李靖特進蕭瑀楊恭仁禮部尚書王珪御史大夫韋挺鄜州大都督府長史皇甫無逸揚州大都督府長史李襲譽泗州大都督府長史張亮涼州大都督李大亮右領軍大將軍竇誕太子左庶子杜正倫綿州刺史劉德威黃門侍郎趙弘智使于四方觀視省風俗二月乙巳皇太子加元服丙午賜天下輔三日三月庚辰幸九成宮五月辛未朔日有蝕之丁丑上初服翼善冠貴臣服進德冠七月始以雲麾將軍階為從三品隴右山崩大地震屢見山東河南淮南大水遣使賑恤八月甲子有星孛于虛危歷于氏十一月上旬乙亥九月丁丑皇太子來朝冬十月右驍衛大將軍襄國公段志玄擊吐谷渾破之追奔八百餘里甲子至自九成宮十一月辛未右僕射代國公李靖以疾辭官授特進丁亥吐

谷渾寇源州已丑吐谷渾拘一行人趙道德十二月辛丑命持進李靖兵部尚書侯君集刑部尚書一任城王道宗涼州都督李大亮等為大摠管各帥師分道以討吐谷渾一壬子越王泰為雍州牧乙卯帝從太上皇閱武於城西是歲龜茲吐蕃高昌女國石國遣使朝貢九年春三月洮州羌叛殺刺史孔長秀壬午大赦每鄉置長一人佐二人乙酉鹽澤道摠管高詭一大破叛羌之衆庚寅勅天下戶立三等未盡升降置為九等夏四月壬寅康國獻獅子閏月丁卯日有蝕之癸巳大摠管李靖侯君集李大亮任城王道宗破吐谷渾於牛心堆五月乙未又破之於烏海追奔至烏海副摠管薛萬均薛萬徹又破之於赤水源獲其名王二十人庚子太上皇崩於大安宮壬子李靖平吐谷渾於西海之上獲其王慕容伏允以其子慕容順光降封為西平郡王復其本國秋七月甲寅增修太廟為六室冬十月庚寅葬高祖太武皇帝於獻陵戊申祔于太廟辛丑左僕射魏國公房玄齡加開府儀同三司餘如故十一月甲戌吐谷渾西平郡王慕容順

光為其下所弑遣兵部尚書侯君集率師安撫之仍封順光子諾曷鉢為河源郡王使統其衆右光祿大夫宋國公蕭瑀依舊特進復令參預朝政

十年春正月壬子尚書左僕射房玄齡侍中魏徵上梁陳齊周隋五代史詔藏于秘閣癸丑徙封趙王元景為荆王魯王元昌為漢王鄭王元禮為徐王徐王元嘉為韓王荆王元則為彭王滕王元懿為鄭王吳王元軌為霍王幽王元鳳為號王陳王元慶為道王魏王靈夔為燕王蜀王恪為吳王越王泰為魏王祐為齊王梁王愔為蜀王邈王暉為蔣王漢王一為越王一王慎為紀王夏六月以侍中魏徵為特進仍知門下省事壬申一王彥博為尚書右僕射甲戌太常卿安德郡公楊師道為侍中乙卯皇后長孫一于立政殿冬十一月庚寅葬文德皇后於昭陵丁二月壬申吐谷渾河源郡王慕容諾曷鉢來朝乙亥親錄京師囚徒於是歲關河東疾疫命醫齎藥濟之

十一年春正月丁亥朔徙鄧王元孫為鄧王譙三元名為舒王癸巳
知魏王泰為雍州牧左武侯大將軍庚子頒詔令於天下作飛山
宮甲寅房玄齡等進所修五禮詔所司行用之三月丁亥詔曰夫生
者天地之大德壽者修短之一期生有七尺之形壽以百齡為限含
靈與氣莫不同焉皆得之於自然不可終分外全也是以禮記云君
即位而為梓莊周云勞我以形息我以死豈非聖人遠鑒通賢深識
末代已來明辟蓋寡靡不於三五之尊處白駒之過並多拘忌有慕
遐年謂雲車易采義輪可駐運六軌同懸其故蓋矣有隋之季海內橫
流豺狼肆暴吞靈黔首朕投刃於發憤情深拯溺扶翼義師濟斯塗炭
賴蒼昊降鑿股弘宣力提劍於塵天下大定此朕之宿志於斯已畢
猶恐身後之日于孫孫習於流俗猶循舊禮加四重之襯伐百祀
之木勞擾百姓崇厚陵今預為此制務從儉約於九峻之山足容棺
而已積以歲月漸而備之木馬塗車七梓等器合古典不為時用
又佐命功臣或義深舟楫或謀定維繫可身三陣同濟艱危克成

漁業追念在昔何日忘之使逝者無知咸歸寂寞若營魂有識還如
疇曩居止相望不亦善乎漢氏使將相陪陵又給以東園秘器篤終
之義恩意深厚古人豈異我哉自今已後功臣密戚及德業佐時者
如有薨亡宜賜塋地一所及以秘器使窆窆之時喪事無闕所司依
此營備稱朕意焉甲子幸洛陽宮命祭漢文帝三月丙戌朔日有蝕
之丁亥車駕至洛陽丙申改洛州為洛陽宮辛亥大蒐於廣城澤癸
丑還宮夏四月甲子震乾元殿前柳樹丙寅詔河北淮南舉孝悌淳
篤兼閑時務儒術該通可為師範文辭秀美才堪著述明識政體可
委字人并志行修立為鄉閭所推者給傳詣洛陽宮六月甲寅尚書
右僕射虞國公溫彥博薨丁巳幸明德宮己未定制諸王為世封刺
史戊辰定制勳臣為世封刺史改封任城王道宗為江夏郡王趙郡
王孝恭為河間郡王己巳改封許王元幹為江王秋七月癸未大霽
雨穀水溢入洛陽宮深四尺壞左掖門毀宮寺十九所洛水溢漂六
百家庚寅詔以災命百官上封事極言得失丁酉車駕還宮壬寅廢

明德宮及飛山宮之玄圃院分給遺水之家仍賜帛有老丙午脩老君廟於亳州宣尼廟於兗州各給二十戶享祀焉涼武昭王復近墓二十戶充守衛仍禁芻牧樵採九月丁亥河溢壞陝西河北縣毀河陽中潭幸白司馬坂以觀之賜遺水之家粟帛有差冬十二月辛卯幸懷州乙未狩于濟源丙午車駕還宮十二月辛酉百濟王遣其太子隆來朝

十二年春正月乙未吏部尚書高士廉等上氏族志一百三十卷壬寅松叢二州地震壞人廬舍有壓死者二月乙卯車駕還京癸亥觀砥柱勒銘以紀功德甲子夜郎獠反夔州都督齊善行討平之乙丑次陝州自新橋幸河北縣祀夏禹廟丁卯次柳谷頓觀鹽池戊寅以隋鷹揚郎將堯君素忠於本朝贈蒲州刺史仍錄其子孫閏二月庚辰朔日有蝕之內戊至自洛陽宮夏五月壬申銀青光祿大夫永興縣公虞世南卒六月庚子初置玄武門左右飛騎秋七月癸酉吏部尚書申國公高士廉為尚書右僕射冬十月乙卯狩于始平賜高平

粟帛有老乙未至自始平己亥百濟遣使貢金甲雕斧十二月辛巳右武侯將軍上官懷仁大破山獠於壁州

十三年春正月乙巳朔謁獻陵曲赦三原縣及行從大辟罪丁未至自獻陵戊午加房玄齡為太子少師二月丙子停世襲刺史三月乙丑有星孛于畢昴夏四月戊寅幸九成宮甲申阿史那結社爾犯御營伏誅壬寅雲陽石燃者方丈晝如灰夜則有光投草木於上則焚歷年而止自去冬不雨至于五月甲寅避正殿令五品以上上封事減膳罷役分使賑恤申理冤屈乃雨六月丙申封皇弟元嬰為滕王秋八月辛未朔日有蝕之庚辰立右武侯大將軍化州都督懷化郡王李思摩為突厥可汗率所部建牙于河北冬十月甲申至自九成宮十一月辛亥侍中安德郡公楊師道為中書令十二月丁丑吏部尚書陳國公侯君集為交河道行軍大總管師伐高昌乙亥封皇子福為趙王壬午橋州都督王志遠有罪伏誅詔於洛相幽徐齊并秦蒲等州並置常平倉己丑吐谷渾河源王慕容諾曷鉢來逆女

壬辰狩于咸陽走歲滁州言野蠶食桑成繭大如柰其色綠凡六千五百七十碩高麗新羅西突厥吐火羅康國安國波斯踈勒于闐焉耆高昌林邑吐明及荒服蠻酋相次遣使朝貢

十四年春正月庚子初命有司讀時令甲寅幸魏王泰宅赦雍州及長安獄大辟罪已下二月丁丑幸國子學觀釋奠赦大理萬年繫囚國子祭酒以下及學生高第精勤者加一級賜帛有差庚辰左驍衛將軍淮陽王道明送弘化公主歸于吐谷渾壬午幸温湯辛卯至自温湯乙未詔以梁皇侃褚仲都周熊安生沈重陳沈文阿周弘正張機隋何妥劉焯劉炫等前代名儒學徒多行其義命求其後三月戊午置寧朔大使以護突厥夏五月壬戌徙封燕王靈夔為魯王六月乙酉大風拔木己丑薛延陀遣使求婚己未滁州野蠶成繭凡收八千三百碩八月庚午新作襄城宮癸巳交河道行軍大總管侯君集平高昌以其地置西州九月癸卯出赦西州大辟罪乙卯於西州置安西都護府冬十月己卯詔以贈司空河間元王孝恭贈陝東道大

行臺尚書右僕射鄭節公殷開山贈民部尚書渝襄公劉政會等配饗高祖廟庭閏月乙未幸同州甲辰狩于堯山庚戌至自同州丙辰吐蕃遣使獻黃金器千斤以求婚十一月甲子朔日南至有事于圓丘十二月丁酉交河道旋師吏部尚書陳國公侯君集執高昌王麴智盛獻捷于觀德殿行飲至之禮賜酺三日乙卯高麗世子相權來朝

十五年春正月丁卯吐蕃遣其國相祿東贊來逆女丁丑禮部尚書江夏王道宗送文成公主歸吐蕃辛巳幸洛陽宮三月戊申幸襄城宮庚午發襄城宮夏四月辛卯詔以來年二月有事太山所司詳定儀制五月壬申并州僧道及老人等抗表以太原王業所因明年登封已後願時臨幸上於武成殿賜宴因從容謂侍臣曰朕少在太原喜羣聚博戲暑往寒逝將三十年矣時會中有舊識上者相與道舊以為笑樂因謂之曰他人之言或有面諛公等朕之故人實以告朕即日政教於百姓何如人間得無疾苦耶皆奏即日四海太平百姓

唐紀三
歡樂陛下力也臣等餘年日惜一日但眷戀聖化不知疾苦因固請
過并州上謂曰飛鳥過故鄉猶躑躅徘徊况朕於太原起義遂定天
下復少小遊觀誠所不忘岱禮若畢或冀與公等相見於是賜物各
有差丙子百濟王扶餘璋卒詔立其世子扶餘義慈嗣其父位仍封
爲帶方郡王六月戊申詔天下諸州舉學綜古今及孝悌淳篤文章
秀異者並以來年二月摠集泰山己酉有星孛于大微犯即位丙辰
停封泰山避正殿以思咎命食減膳秋七月甲戌孛星滅冬十月辛
卯大閱於伊闕壬辰幸高陽辛丑還宮十一月壬戌廢鄉長壬申還
京師癸酉薛延陀以同羅僕骨迴紇靺鞨靺之衆度漠屯于白道川
命營州都督張儉統所部兵厭其東境兵部尚書李勣爲朔方行軍
摠管右衛大將軍李大亮靈州道行軍摠管京州都督李襲譽爲涼
州道行軍摠管分道以禦之十二月戊子朔至自洛陽宮甲辰李勣
及薛延陀戰于諾真水大破之斬首三千餘級獲馬萬五千匹薛延
陀跳身而遁勣旋破突厥思結於五臺縣虜其男女千餘口獲羊馬

稱是

十六年春正月辛未詔在京及諸州死罪囚徒配西州爲戶流人未
達前所者從防西州兼中書侍郎江陵子岑文本爲中書侍郎專知
機密夏六月辛卯詔復隱王建成曰隱太子改封海陵刺王元吉曰
巢刺王秋七月戊午司空趙國公無忌爲司徒尚書左僕射梁國公
玄齡爲司空九月丁巳特進鄭國公魏徵爲太子太師知門下省事
如故冬十一月丙辰狩于岐山辛酉使祭隋文帝陵丁卯宴武功士
女於慶善宮南門酒酣上與父老等涕泣論舊事老人等遽起爲舞
爭上萬歲壽上各盡一杯庚午至自岐州十二月癸卯幸温湯甲辰
狩于驪山時陰寒晦冥圍兵斷絕上乘高望見之欲捨其罰恐虜軍
令乃迴轡入谷以避之是歲高麗大臣蓋蘇文弒其君高武而立武
兄子藏爲王

十七年春正月戊辰右衛將軍代州都督劉蕡謀反腰斬太子太師
鄭國公魏徵以薨戊申詔圖畫司徒趙國公無忌等勲臣二十四人於

委煙閣三月丙辰齊州都督齊王祐長史權萬紀典軍韋文振據齊州自守詔六部尚書李勣刑部尚書劉德威發兵討之兵未至兵曹杜行敏執之而降遂賜死于內侍省下已癸亥守心前星十九日而退夏四月庚辰朔皇太子有罪廢為庶人漢王元昌吏部尚書侯君集並坐與諸廷謀伏誅丙戌立晉王治為皇太子大赦賜酺三日丁亥中書令楊師道為吏部尚書己丑加司徒趙國公長孫無忌太子太師司空梁國公房玄齡太子太傅特進宋國公蕭瑀太子太保兵部尚書英國公李勣為太子詹事仍同中書門下三品庚寅上親謁太廟以謝承故之過癸巳魏王泰以罪降爵為東萊郡王五月乙丑手詔舉孝廉燕才異能之士六月己卯朔日有蝕之壬午改葬隋恭帝丁酉尚書右僕射高士廉請致仕詔以為開府儀同三司同中書門下三品閏日戊午薛延陀遣其兄子突利設獻馬五萬匹牛駝一萬羊十萬以請婚許之丙子徙封東萊郡王泰為順陽王秋七月庚辰京師言云卜遺棖棖取人心肝以祠天狗遞相驚懼遣使遍加宣諭

月餘乃止丁酉司空太子太傅梁國公房玄齡以母憂罷職八月工部尚書鄖國公張亮為刑部尚書參預朝政九月癸未徙庶人承乾于黔州冬十月丁巳房玄齡起復本職十一月己卯有事于南郊壬午賜天下酺三日以涼州獲瑞石曲赦涼州并錄京城及諸州繫囚多所原宥

十八年春正月壬寅幸温湯夏四月辛亥幸九成宮秋八月甲子至自九成宮丁卯散騎常侍清苑男劉洎為侍中中書侍郎江陵子岑文本中書侍郎馬周並為中書令九月黃門侍郎褚遂良參預朝政冬十月辛丑朔日有蝕之甲辰初置太子司議郎官員甲寅幸洛陽宮安西都護郭孝恪帥師滅焉耆執其王突騎支送行在所十一月壬寅車駕至洛陽宮庚子命太子詹事英國公李勣為遼東道行軍摠管出柳城禮部尚書江夏郡王道宗副之刑部尚書鄖國公張亮為平壤道行軍摠管以舟師出萊州左領軍常何瀘州都督左難當副之發天下甲士召募十萬並趣平壤以伐高麗十二月辛丑庶人

承乾死

十九年春二月庚戌上親統六軍發洛陽乙卯詔皇太子留定州監國開府儀同三司申國公高士廉攝太子太傅與侍中劉洎中書令馬周太子少詹事張行成太子右庶子高季輔五人同掌機務以吏部尚書安德郡公楊師道爲中書令贈殷比干爲太師謚曰忠烈命所司封墓葺祠堂春秋祠以少牢上自爲文以祭之三月壬辰上發定州以司徒太子太師兼檢校侍中趙國公長孫無忌中書令岑文本楊師道從夏四月癸卯誓師於幽州城南因大饗六軍以遣之丁未中書令岑文本卒于師癸亥遼東道行軍大總管英國公李世勣攻蓋牟城破之五月丁丑車駕渡遼甲申上親率鐵騎與李世勣會圍遼東城因烈風發火弩斯須城上屋及樓皆盡麾戰士令登乃拔之六月丙辰師至安市城丁巳高麗別將高延壽高惠真帥兵十五萬來援安市以拒王師李世勣率兵奮擊上自高峯引軍臨之高麗大潰殺獲不可勝紀延壽等以其衆降因名所幸山爲駐蹕山刻石紀

功焉賜天下大酺二日秋七月李世勣進軍攻安市城至九月不剋乃班師冬十一月丙辰入臨渝關皇太子自定州迎謁戊午次漢武臺刻石以紀功德十一月辛未幸幽州癸酉大饗還師十二月戊申幸并州侍中清苑男劉洎以罪賜死是歲薛延陀眞珠毗伽可汗死二十一年正月以上在并州丁丑遣大理卿孫伏伽黃門侍郎褚遂良等二十二人以六條巡察四方黜陟官吏庚辰曲赦并州宴從官及起義元從賜粟帛給復有差三月己巳車駕至京師己丑刑部尚書鄭國公張亮謀反誅閏月癸巳朔日有蝕之夏四月甲子太子太師趙國公長孫無忌太子太傅梁國公房玄齡太子太保宋國公蕭瑀各辭調護之職詔許之六月遣兵部尚書固安公崔敦禮特進英國公李世勣擊破薛延陀於鬱督軍山北前後斬首五千餘級虜男女三萬餘人秋八月甲子封皇孫爲陳王己巳幸靈州庚午次涇陽頭鐵勒迴紇拔野古同羅僕骨多濫葛思結阿跌契苾跌結渾斛薛等十一姓名遣使朝貢奏稱延陀可汗不事大國部落烏散不知所之奴

等各有分地不能逐逐隨去歸命天子乞置漢官詔遣會靈州九月
甲辰鐵勒諸部落侯斤頡利發等遣使相繼而至靈州者數千人來
貢方物因請置吏咸請至尊為可汗於是北荒悉平為五言詩勒石
以序其事辛亥靈州地震有聲久十月前太子太保宋國公蕭瑀
商州刺史丙戌至自靈州

二十一年春正月壬辰開府儀同三司申國公高士廉薨丁酉詔以來
年二月有事泰山甲寅賜京師醮三日二月壬申詔以左丘明卜子夏
公羊高穀梁亦伏勝高堂生戴聖毛萇孔安國劉向鄭眾杜子春馬
融盧植鄭康成服子慎何休王肅王輔嗣杜元凱范甯等二十一入
代用其書垂於國習自今有事於太學並命配享宣尼廟堂丁丑皇
太子於國學肄業夏四月乙丑營太和宮於鍾南之上改為翠微宮
五月戊子幸翠微宮六月癸亥司徒趙國公無忌加授揚州都督秋
七月庚子建土華宮於宜君縣之鳳凰谷庚戌至自翠微宮八月壬
戌詔以河北大水停封禪辛未骨利幹國遣使貢名馬丁酉封皇子

明為曹王冬十一月癸卯徙封順陽王泰為濮王十二月戊寅左驍
衛大將軍阿史那社爾右驍衛大將軍契苾何力安西都護郭孝恪
司農卿楊弘謏俱為崑山道行軍大總管以伐龜茲是歲墮婆登乙利
鼻林送都播干同石波斯康國吐火羅阿悉吉等遠夷十九國並遣
使朝貢又於突厥之北至于迴紇部落置驛六十六所以通北荒焉
二十二年春正月庚寅中書令馬周卒司徒趙國公無忌兼檢校中
書令知中書勅下二省事己亥刑部侍郎崔仁師為中書侍郎參知機
務戊戌幸溫湯戊申還宮二月前黃門侍郎褚遂良起復黃門侍郎
中書侍郎崔仁師除名配流連州癸丑西蕃沙鉢羅葉護率眾歸附
以其侯斤屈罪表祿為忠武將軍兼大侯斤戊午以結骨部置堅昆都
督乙亥幸玉華宮乙卯賜所經高年篤疾粟帛有差乙卯蒐于華原
四月甲寅磧外蕃人爭牧馬出界上親臨斷決然後咸服丁巳右武
候將軍梁建方擊松外蠻下其部落七十二所五月庚子右衛長史
王玄策擊帝那伏帝國大破之獲其王阿羅那順及王妃子等虜男

女萬二千人牛馬二萬餘以詣闕使方士那羅彌娑婆於金殿門造
延年之藥吐香贊昔擊破中天竺國遣使獻捷六月癸酉特進宋國
公蕭瑀薨秋七月癸卯司空梁國公房玄齡薨八月己酉朔日有蝕
之九月己亥黃門侍郎褚遂良為中書令十月癸亥至自玉華宮十
一月戊戌眉邛雅三州獠反右衛將軍梁建方討平之庚子契丹帥
窟哥奚帥可度者並率其部內屬以契丹部為松漠都督以奚部置
饒樂都督十二月乙卯增置殿中侍御史監察御史各二員大理寺
置平事十員閏月丁丑朔崑山道摠管阿史那社爾降處密處月破
龜茲大撥等五十城虜數萬口執龜茲王訶黎布失畢以歸龜茲平
西域震駭副將薛萬徹脅于闐王伏闕信入朝癸未新羅王遣其相
伊贊千金春秋及其子文王來朝是歲新羅女王金善德死遣冊立
其妹真德為新羅王

二十三年春正月辛亥俘龜茲王訶黎布失畢及其相那利等獻于
社廟二月丙戌置瑤池都督府隸安西都護府丁亥西突厥肆葉護

汗遣使來朝三月丙辰置鄆州都督府自去冬不雨至于此月已
未乃雨辛酉大赦丁卯勅皇太子於金液門聽政是月日赤無光四
月己亥幸翠微宮五月戊午太子詹事英國公李世勣為豐州都督
辛酉開府儀同三司衛國公李靖薨己巳上崩於含風殿年五十二
遺詔皇太子即位於柩前喪紀異用漢制秘不發喪庚午遣舊將統飛
騎勁兵從皇太子先還京發六府甲士四千人分列於道及安化門
翼從乃入大行御馬輿從官侍御如常壬申發喪六月甲戌朔殯于
太極殿八月丙子百寮上諡曰文皇帝廟號太宗庚寅葬昭陵上
二年八月改上尊號曰文武聖皇帝天寶十二載二月改上尊號
為文武大皇帝大廣孝皇帝

史臣曰臣觀文皇帝發迹多奇聰明神武技人物則不私於黨負志
業則咸盡其才所以屈突尉遲由仇敵而願傾心齊馬周劉洎自疎
遠而卒委鈞衡終平泰階諒由斯道嘗試論之礎潤雲興蟲鳴螽躍
雖堯舜之聖王不能用檮杌窮奇而治平伊呂之賢不能為夏桀殷辛

而昌盛君臣之際遭遇斯難以至抉目剖心蝨流筋擢良由遭值之
異也以房魏之智不踰于丘軻遂能尊主庇民者邇時也或曰以太
宗之賢失愛於昆弟失教於諸子何也曰然舜不能仁四罪堯不能
訓丹朱斯前志也當神堯任讒之年建成忌功之日苟除畏偏孰顧
分崩變故之興間不容髮方懼毀巢之禍寧虞尺布之謠承乾之愚
聖父不能移也若文皇自定儲於哲嗣不騁志於高麗用人如貞觀
之初納諫比魏徵之日況周發周下襲我有遺奸較漢文漢武
之恢弘彼多慙德迹其聽斷不惑下流千載可稱一人而已
贊曰昌發啓國一門三聖文定高位下不令管蔡既誅成康道正
貞觀之風到今歌詠

唐書本紀卷第三

唐書本紀卷第四

劉 响 等修
聞人詮校刻沈桐同校

高宗上

高宗天皇大聖大弘孝皇帝諱治太宗第九子也母曰文德順聖長
孫皇后以貞觀二年六月生於東宮之麗正殿五年封晉王七年遇
授并州都督幼而岐嶷端審寬仁孝友初授孝經於著作郎蕭德言
太宗問曰此書中何言爲對曰夫孝始於事親中於事君終於立身
君子之事上進思盡忠退思補過將順其美匡救其惡太宗大悅曰
行此足以事父兄爲臣子矣及文德皇后崩晉王時年九歲哀慕感
動左右太宗屢加慰撫由是特深寵異尋拜右武衛大將軍十七年
皇太子承乾廢魏王泰亦以罪黜太宗與長孫無忌房玄齡李勣等
計議立晉王爲皇太子太宗每視朝常令在側觀決庶政或令參議
太宗數稱其善十八年太宗將伐高麗命太子留鎮定州及駕發有

期悲啼累日因請飛驛遞表起居并遞勅垂報並許之飛表奏事自此始也及軍旋太子從至并州時太宗患癰太子親吮之扶輦步從數日二十三年五月己巳太宗崩庚午以禮部尚書兼太子少師黎陽縣公于志寧為侍中太子少詹事兼尚書左丞張行成為兼侍中檢校刑部尚書太子右庶子兼吏部侍郎攝戶部尚書高季輔為兼中書令檢校吏部尚書太子左庶子高陽縣男許敬宗兼禮部尚書辛未還京六月甲戌朔皇太子即皇帝位時年二十二詔曰大行皇帝奄棄普天痛貫心靈若實湯火思遵大孝不敢減身永慕長號將何逮及粵以孤眇屬當示嗣思勵空薄康濟黎元敬順惟新仰昭先德宜布凱澤被乎億兆可大赦天下内外文武賜勳官一級諸年八十以上資以粟帛雍州及諸州比年供軍勞役尤甚之處並給復一年辛巳改民部尚書為戶部尚書豐州都督英國公勣為特進檢校洛州刺史仍於洛陽宮留守癸未詔司徒揚州都督趙國公無忌為太尉兼檢校中書令知尚書門下二省事餘並如故賜物三千段癸

巳特進英國公勣為開府儀同三司同中書門下三品秋七月丙午改治書侍御史為御史中丞諸州治中為司馬別駕為長史治禮部為奉禮郎以避上名以貞觀時不諱先帝二字詔有司奏曰先帝二名禮不偏諱上既單名臣子不合指斥上乃從之己酉于闐王伏闕信來朝八月癸酉朔河東地震晉州尤甚壞廬舍壓死者五千餘人三日又震詔遣使存問給復二年壓死者賜絹三匹以開府儀同三司英國公勣為尚書左僕射同中書門下三品僕射始帶同中書門下庚寅葬太宗於昭陵九月甲寅加授鄜州刺史荆王元景為司徒前安州都督吳王恪為司空兼梁州刺史丙寅贈太尉梁國公玄齡贈司徒申國公士廉贈左僕射蔣國公士突通並可配食太宗廟庭冬十一月甲子以瑤池都督阿史那賀魯為左驍衛大將軍乙丑晉州地又震是冬無雪永徽元年春正月辛丑朔上不受朝詔改元壬寅御太極殿受朝而不會丙午立妃王氏為皇后丁未以陳主忠為雍州牧二月辛卯封

皇子孝為許王上金為祀王素節為雍王夏四月己巳朔晉州地又
震五月丁未上謂羣臣曰朕謬膺大位政教不明遂使晉州之地屢
有震動良由賞罰失中政道乖方卿等宜各進封事極言得失以匡
不逮吐火羅遣使獻大鳥如駝食銅鐵上遣獻于昭陵吐蕃贊普死
詔右武衛將軍鮮于匡濟齋璽書往吊祭六月庚辰晉州地震秋七
月丙寅以旱親錄京城囚徒九月癸卯右驍衛郎將高侃執車鼻可
下詣盟獻于社廟及昭陵己未書左僕射英國公勣固請解職許
之冬以開府儀同三司同中書門下三品十一月己未中書令河南
公公休總左授同州刺史十二月瑤池都督沙鉢羅葉護阿史那賀
魯以府叛自稱可汗摠有西域之地是歲雍絳同等九州旱蝗齊定
等十六州水

二年春正月戊戌詔曰去歲關輔之地頗弊蝗螟天下諸州或遭水
旱百姓之間致有罄乏此由朕之不德非庶何辜矜物罪已載深憂
惕今歲肇春東作方始糧廩或空事資賑給其遭蟲水處有貧乏
者得以正義倉賑貸雍同二州各遣郎中一人充使存問務盡哀矜
之肯副朕乃眷之心乙巳黃門侍郎平昌縣公宇文節加銀青光祿
大夫依舊同中書門下三品守中書侍郎柳奭為中書侍郎依舊同
中書門下三品夏四月乙酉秩太廟令及獻昭二陵令從五品承從
七品五月壬辰開府儀同三司及京官文武職事四品五品並給隨
身魚六月辛酉開府儀同三司襄邑王神符薨秋七月丁未賀魯寇
陷金嶺城蒲類縣遣武候大將軍梁建方右驍衛大將軍契苾何力
為弓月道總管以討之正月乙丑大食國始遣使朝獻己巳侍中燕
國公于志寧為尚書左僕射侍中兼刑部尚書北平縣公張行成為
尚書左僕射並同中書門下三品猶不入銜中書令兼檢校吏部尚
書瀋縣公高季輔為侍郎九月癸巳改九成宮為萬年宮廢玉華宮
以為佛寺閏月辛未頒新定律令格式於天下冬十月辛卯晉州地
震十一月辛丑有事於南郊戊辰定襄地震丁丑以高昌故地置安
西都護府白水蠻寇麻州命左領軍將軍趙孝祖討平之

三年春正月癸亥以去秋至于是月不雨上避正殿降天下死罪及流罪遞減一等徒以下咸宥之弓月道惣管梁建方契苾何力等大破處月朱耶孤注於牢山斬首九千級虜渠帥六千俘生口萬餘獲牛馬雜畜七萬丙寅太尉趙國公無忌以旱請遜位不許己巳同州刺史河南郡公褚遂良為吏部尚書門下三品丙子親祠太廟丁亥籍于千畝賜羣官帛有老三月辛巳黃門侍郎平昌縣公宇文節為侍中中書侍郎柳奭為中書令庚申幸觀德殿賜文武群官大射夏四月庚寅左領軍將軍趙孝祖大破白水蠻大赦律甲午豐州刺史彭王元則薨五月庚辰詔以周司沐大夫裴融齊侍中崔季舒給事黃門侍郎裴澤尚書左丞封孝琰隋儀同三司豆盧毓御史中丞游楚客等正門挺忠鯁其子孫各宜甄擢秋七月丁巳立陳王忠為皇太子大赦天下五品已上子為父後者賜勲一轉大酺三日乙丑左僕射于志寧兼太子少師右僕射張行成兼太子少傅侍中高季輔兼太子少保侍中宇文節兼太子少傅事丁丑上問戶部尚書高彥休

去年進戶多少履行奏稱進戶一十五萬又問曰隋日有幾戶今見有幾戶履行奏隋開皇中有戶八百七十萬即今見有戶三百八十萬九月丁巳改太子中允為內允中書舍人為內史舍人諸率府中郎將改為旅賁郎以避太子名冬十月戊戌幸同安大長公主第又幸高陽長公主第即日還宮十一月乙亥駭馬國遣使朝貢庚寅弘化長公主自吐谷渾來朝十二月癸巳濮陽王泰薨四年春正月癸丑朔上臨軒不受朝以濮王泰在殯故也丙子新除房州刺史駙馬都尉房遺愛司徒秦州刺史荆王元景司空安州刺史吳王恪寧州刺史駙馬都尉薛萬徹嵐州刺史駙馬都尉柴令武謀反二月乙酉遺愛萬徹今武等並伏誅元景恪巴陵高陽公主並賜死左驍衛大將軍安國公執失思力配流儋州侍中兼太子詹事平昌縣公宇文節配流桂州戊子特進太常卿江夏王道宗配流桂州恪母弟蜀王愔廢為庶人己亥絳州刺史徐王元禮加授司徒開府儀同三司英國公勣為司空三月壬子朔頒孔穎達五經正義於

天下每年明經令依此考試丙辰上御觀德殿陳逆人房遺愛等口
馬資財為五梁引王公諸親蕃客及文武九品已上射夏四月戊子
林邑國王遣使來朝貢馴象壬寅以旱避正殿減膳親錄繫囚遣
使分省天下冤獄詔文武官極言得失八月己亥隕石十八于同州
之馮翊有聲如雷九月壬寅尚書右僕射北平縣公張行成薨甲戌
吏部尚書河南郡公褚遂良為尚書右僕射依舊知政事冬十月庚
子幸新豐之温湯甲辰曲赦新豐乙巳至自温湯戊申睦州女子陳
碩貞舉兵反自稱文佳皇帝攻陷睦州屬縣婺州刺史崔義玄揚州
都督府長史房仁裕各率眾討平之十一月癸丑兵部尚書固安縣
公崔敦禮為侍中頒新律疏於天下十二月庚子侍中兼太子少保
齊縣公高季輔卒

五年春三月戊午幸萬年宮辛未曲赦所經州縣繫囚以工部尚書
關立德領丁夫四萬築長安羅郭夏四月守黃門侍郎穎川縣公韓
瑗守尚書侍郎來齊並加銀青光祿大夫依舊同中書門下三品閏

五月丁丑夜大雨水漲暴溢漂溺麟遊縣居人及當番衛士死者三
千餘人六月恒州大雨滹沱河泛溢漂五千餘家癸丑蒲州汾陰縣
暴雨漂溺居人浸壞廬舍癸亥中書令柳奩薨吏部尚書丙寅河北
諸州大水七月辛巳有小鳥如雀生大鳥如鳩於萬年宮皇帝舊宅
八月大理奏決死囚惣管七十餘人辛亥詔自今已後五品已上有
薨亡者隨身魚並不須追收辛未吐蕃使人獻馬百匹及大驢可高
五丈廣袤各二十七步九月丁酉至白萬年宮冬十一月癸酉築京
師羅郭和舊京兆百姓四萬一千人板築三十日而罷九門各施觀
十二月癸丑倭國獻琥珀碼碯琥珀大如斛碼碯大如五斛器戊午
發京師謁昭陵在路生皇子賢已未勅二年一定戶

六年春正月壬申朔親謁昭陵曲赦醴泉縣民放今年租驪陵所宿
衛將軍郎將進爵一等陵令丞加階賜物甲戌至自昭陵於陵側建
佛寺庚寅封皇子弘為代王賢為潞王二月乙巳皇太子志加元服
内外文武職事五品已上為父後者賜勳一級大酺三日三月營州

都督程元振破高麗於貴端水嘉州辛道讓妻一產四男壬戌昭儀武氏著內訓一篇夏五月癸未命左屯衛大將平盧國公程知節等五將軍帥師出葱山道以討賀魯黃門侍郎頴川郡公韓瑗為侍中中書侍郎南陽男來濟為中書令兼吏部尚書同東縣男柳奭貶遂州刺史六月大食國遣使朝貢秋七月乙亥侍中固安縣公崔敦禮為中書令乙酉均天下州縣公廨八月尚藥奉御蔣孝璋負外特置仍同正貢外同正自蔣孝璋始也己酉大理更置少卿一員先是大雨道路不通京師米價暴貴出倉粟糶之京師東西二市置糶倉九月庚午尚書右僕射河南郡公褚遂良以諫立武昭儀貶長潭州都督乙酉洛州大水毀天津橋冬十月己酉廢皇后王氏為庶人立昭儀武氏為皇后大赦天下十一月丁卯州臨軒命司空勳左僕射志寧冊皇后文武群官及蕃夷之長奉朝皇后於肅義門十一月己巳皇后見于廟癸酉追贈后父故工部尚書應國公贈并州都督武士彟為司空丙子淄州高苑縣吳文威妻魏氏一產四男三見育癸巳

應國夫人楊氏改封代國夫人十二月遣禮部尚書高陽縣男許敬宗每日待詔於武德殿西門

七年春正月辛未廢皇太子忠為梁王立代王弘為皇太子壬申大赦改元為顯慶文武九品已上及五品已下子為父後者賜勳官一轉大酺三日甲子尚書左僕射兼太子少師燕國公丁志寧兼太子太傅侍中韓瑗中書令來濟禮部尚書許敬宗並為太子賓客始有賓客也御玄武門餞葱山道大掇管程知節二月庚寅名破陣樂為神功破陣樂辛亥贈司空武士護為司徒周國公三月辛巳自皇后祀先蠶于北郊丙戌戶部侍郎杜正倫為守黃門侍郎同中書門下三品夏四月戊申御安福門觀僧玄奘迎衛製并畫慈恩寺碑文導從以天竺法儀其徒甚盛五月己卯太尉長孫無忌遣史官所撰梁陳周齊隋五代史志三十卷弘文館學士許敬宗進所撰東殿新書二百卷上自製序六月岐州刺史路王賢為雍州牧秋七月癸未中書令兼檢校太子詹事固安縣公崔敦禮為太子少師同中書門下三品

改戶部尚書為度支尚書侍郎亦然八月丙申太子少師崔敦禮卒
左衛大將軍程知節與賀魯所部戰獲利頗多及處月預支俟
斤等戰於榆幕谷大破之斬首千餘級獲駝馬三萬計九月癸酉
初詔戶滿三萬已上為上州二萬已上為中州一萬已上為下州中州者各
依舊皇后製外戚誡庚辰括州海水泛溢壞宅三回永嘉二縣損四千
餘家辛巳初制都督及上州各置執刀十五人中州下州十人癸未
初置驃騎大將軍官為從一品程知節與賀魯自男哇運戰斬首數千
級進至恒篤城俘其部落戶口及貨物鉅積十一月乙丑皇子顯
生詔宗官朝集使各加勳級十二月乙酉置學士屯衛大將軍程
知節坐計賀魯逗留追賊不及減死免官罷歸州都督鄯州置都督
二年春正月庚寅幸洛陽命右屯衛將軍蘇定方等四將軍為伊羅
道將軍帥師以討賀魯二月辛酉入洛陽宮出赦洛州庚午封皇第
七子顯為周王徙封許王素節為郕王三月甲子中書侍郎李義府
為中書令兼檢校御史大夫黃門侍郎杜正公剛兼雙支尚書依舊司

中書門下三品夏五月丙申幸明德宮秋七月丁亥還洛陽宮八月
丁卯侍中潁川縣公韓瑗左授振州刺史中書令兼太子詹事南陽
侯來濟左授台州刺史皆坐諫立武昭儀為皇后救褚遂良之貶也
禮部尚書高陽郡公許敬宗為侍中以立武后之功也九月庚寅度
支尚書杜正倫為中書令冬十月戊戌親講武於許鄭之郊曲赦鄭
州遣使祭鄭大夫國僑漢太丘長陳寔墓十二月乙卯還洛陽官庚
午改昏葉宮丁卯手詔改洛陽宮為東都洛州官自階品並准雍州
廢穀州以福昌等四縣并懷州河陽濟源溫鄭州汜水並隸洛州已
巳中書省置起居舍人兩真品同起居郎庚午以周王顯為洛州牧
壬午分散騎常侍為左右各兩真其右散騎常侍隸中書省
三年春正月戊子太尉趙國公無忌等脩新禮成凡一百三十卷二
百五十九篇詔頒於天下二月丁巳車駕還京壬午親錄囚徒多所
原有蘇定方攻破西突厥沙鉢羅可汗賀魯及咥運闕啜賀魯走石
國副將蕭嗣業追擒之收其人一畜前後四十餘萬甲寅西域平以其

地置濛池崑陵二都督府復於龜茲國置安西都護府以高昌故地
為西州置懷化大將軍正三品歸化將軍從三品以授初附首領仍
分隸諸衛六月程元振攻高麗九月廢書筆律學有司奏請造排車
七百乘擬行車載排城上以為勞民乃於舊頓置院墻焉冬十一月
乙酉兼中書令皇太子賓客兼檢校御史大夫河間郡公李義府左
授普州刺史兼中書令皇太子賓客襄陽郡公杜正倫左授橫州刺
史中書侍郎李友益除名配流雋州戊戌侍中許敬宗權檢校中書
令戊子侍中皇太子賓客權檢校中書令高陽縣公許敬宗為中書
令賓客已下如故大理卿辛茂將為侍中馮臚卿蕭嗣業於石國取賀
魯至獻於昭陵中辰開府儀同三司鄂國公尉遲敬德薨
四年春二月乙亥上親策試舉人凡九百人惟郭侍封張九齡五人
居一第令待詔弘文館隨仗供奉三月以左驍衛大將軍邠國公契
苾何力往遼東經略夏四月己未太子太傅尚書左僕射燕國公于
志寧為太子太師仍同中書門下三品乙丑黃門侍郎許圍師同中

書門下三品丙戌太子太師同中書門下三品燕國公于志寧免官
放還私第戊戌太尉揚州都督趙國公無忌帶揚州都督於黔州安
置依舊準一品供給五月丙申兵部尚書任雅相度支尚書盧承慶
並叅知政事秋七月壬子普州刺史李義府為吏部尚書同中書門
下三品冬十月丁巳皇太子加元服大赦天下文武五品已上子孫
為父祖後者加勳官一級大酺三日閏十月戊戌幸東都皇太子監
國戊辰至東都 一月以中書侍郎許圍師為散騎常侍檢校侍中
戊午兼侍中辛茂將卒癸亥以邢國公蘇定方為祁丘道摠管劉伯英
為崑夷道摠管

五年春正月甲子幸并州二月辛巳至并州丙戌宴從官及諸親并
州官屬父老賜帛有茗曲赦并州及管内諸州義旗初職事五品已
上身亡殯墓在并州者令所司致祭佐命功臣子孫及大將軍府
僚佐已下今見存者賜階級有茗量才處分起義之徒職事一品已
下賜物有茗年八十已上版授刺史縣令佐命功臣食別封身已歿

者為後子孫各加兩階賜醮三日甲午祠舊宅以武士護殿開山劉政會配食三月丙午皇后宴親族鄰里故舊於朝堂命婦婦人入會於內殿及皇室諸親賜帛各有老及從行文武五品以上制以皇后政鄉并州長史司馬各加勳級又皇后親預會每賜物一千段暮親五百段大功已下及無服親隣里故舊有老城內及諸婦女年八十已上各版授郡君仍賜物等已酉講武於并州城西上御飛閣引群臣臨觀辛亥發神丘道軍伐百濟丁巳左右領始改左右千牛夏四月戊寅車駕還東都造八闕宮于東都苑內癸亥至白并州五月壬戌幸八闕宮改為合璧宮六月庚午朔日有蝕之辛卯詔文武五品已上四科舉人甲午駕還東都秋七月乙巳廢梁王忠為庶人徙於黔州戊辰度支尚書同中書門下三品盧承慶以罪免八月庚辰蘇定方等討平百濟固縛其王扶餘義慈國分為五部郡三十七城二百戶七十六萬以其地分置熊津等五都督府曲赦神丘崑夷道摠管已下賜天下大酺三日九月戊午賜英國公勣墓坐一所冬十月

丙子代國夫人楊氏改榮國夫人品第一位在王公母妻之上十一月戊戌朔刑國公蘇定方獻百濟王扶餘義慈太子隆等五十八人俘於則天門責而宥之乙卯狩于許鄭之郊十二月己卯至自許州六年春正月乙卯於河南河北淮南六十七州募得四萬四千六百四十六人往平壤帶方道行營二月乙未以益綿等州皆言龍見改元曲赦洛州龍朔元年三月丙申朔改元壬戌幸合璧宮夏五月丙申命左驍衛大將軍涼國公契苾何力為遼東道大摠管左武衛大將軍邢國公蘇定方為平壤道大摠管兵部尚書同中書門下三品樂安縣公任雅相為俱江道大摠管以伐高麗是日皇后請禁天下婦人為俳優之戲詔從之甲子晦日有蝕之六月庚寅口書令許敬宗等進累璧六百三十卷目錄四卷秋七月癸卯車駕還東都八月丙戌令諸州舉孝行尤著及累葉義居可以勵風俗者九月甲辰以河南縣大女張年百三歲說孝其第又幸李勣之第天宮寺是高祖潛龍時舊宅上周歷殿宇感愴久之度僧二十人皇后至許圍師築

王子徙封遼三賢為沛王是日以雍州牧幽州都督沛王賢為揚州
都督左武侯大將軍牧如故以洛州牧周王顯為并州都督是日勅
中書門下五品已上諸司表官尚書省侍郎并諸親三等已上並詣
沛王宅設宴禮奏九部樂禮畢賜帛糴綵等各有差冬十月丁卯狩
于陸渾癸酉遷宮是歲新羅王金春秋卒其子法敏嗣立

二年春正月乙巳太府寺更置少卿一員分兩京檢校丙午東都初
置國子監并加學生等員均分於兩都教授二月甲子改京諸司及
百官名尚書省為中臺門下省為東臺中書省為西臺左右僕射為
左右匡政左右丞為肅機侍中為左相中書令為右相自餘各以義
訓改之又改六宮內職名甲戌司戎太常伯涇江道總管樂安縣公
任雅相卒于軍三月甲申自東都還京癸丑幸同州蘇定方破高麗
于羣島又進女平壤城不克而還夏四月庚申朔至自東都辛巳造
蓬萊宮成徙居之五月丙申左侍極許國師為左相乙巳復置律書
第二學六月己未朔皇子旭輪生乙丑初令道士女冠僧尼等並盡

禮致拜其父母乙亥制蓬萊宮諸門殿亭等名秋七月丁亥朔以東
宮誕育滿月大赦天下賜酺三日八月甲午右相許敬宗乞骸骨壬
寅許敬宗為太子少師同東西臺三品仍知西臺事八月司禮少常
伯孫茂道奏稱八品九品舊令著青亂紫非卑品所宜今著若詔
從之戊寅前吏部尚書河間郡公李義府起復為司禮少常伯同東
西臺三品冬十月丁酉幸温湯皇太子弘監國丁未至自温湯戊
酉臺侍郎上官儀同東西臺二品十一月辛未左相許國師丁未
西封皇第四子旭輪為殷王十二月辛丑改魏州為大都督府改冀
州為鄴州又以并揚荆益四都督府並為大都督府沛王賢為揚州
大都督周王顯為并州大都督殷王旭輪遙領冀州大都督左相許
國師解見任

三年春正月左武衛大將軍鄭仁泰等帥師討鐵勒餘種盡平之乙
丑司列太常伯李義府為右相二月丙戌隴雍同岐等一十五州戶口
徵修蓬萊宮癸巳置大子左右諭德及桂坊大夫等官員改司經局

為桂坊館崇賢館罷隸左春坊丁酉減京官一月俸助修蓬萊宮與
戊詔曰天德施生陽和在節言念幽圜載惻分宵雖復每有哀矜猶
恐未免枉濫在京繫囚應流死者每日將二十人過於是親自臨問
多所原有不盡者令皇太子錄之詔以書學隸蘭臺算學隸秘閣律
學隸詳刑寺改燕然都護府為瀚海都護府瀚海都護府為雲中都
護府二月前左相許圜師左遷虔州刺史太子弘撰瑤山玉彩成書
凡五百卷夏四月乙丑右相李義府下獄戊子李義府除名配流雋
州丙午幸蓬萊宮新起含元殿秋八月癸卯彗星見於左攝提戊申
詔百寮極言正諫命司元太常伯寶德玄司刑太常伯劉祥道等九
人為持節大使分行天下仍令內外官五品已上各舉所知冬十月
丙申絳州麟見于介山丙午含元殿前麟趾見十一月癸酉雨水十
二月庚子詔改來年正月一日為麟德元年春正月甲子改雲中都
護府為單于大都護府官品同大都督府二月丁亥加授殷王旭輪
單于大都護戊子幸萬年宮三月辛亥展大赦禮丁卯長女追封安

定公主謚曰思其鹵簿鼓吹及供葬所須並如親王之制於德業寺
遷于崇敬寺夏四月衛州刺史道王元慶薨五月許王孝薨乙卯於
昆明之弄棟川置姚州都督府秋八月丙子朔至自萬年宮便幸舊
宅已卯降萬年縣繫囚因幸大慈恩寺壬午還蓬萊宮戊子兼司列
太常伯檢校沛王府長史城陽縣侯劉祥道兼右相大司憲寶德玄
兼司元太常伯檢校左相九月己卯詔曰周京兆尹左右宮伯大將
軍司衛上將軍少冢宰廣陵郡公宇文孝伯忠亮存心貞堅表志遙
刑既違方納諫所求仁忍忌將加甘捐軀而徇節年載雖久風烈猶
生宜峻徽章式旌胤胄其孫左威衛長史思純可加授朝散大夫十
二月丙戌殺西臺侍郎上官儀戊子庶人忠坐與儀交通賜死右相
城陽縣侯劉祥道為司禮太常伯太子右中護檢校西臺侍郎樂彥
璋西臺侍郎孫處約同知政事是冬無雪
二年春正月二午幸東都丁酉幸合璧宮戊子慮雍洛二州及諸司
囚甲子以發向太山停選三月甲寅兼司戎太常伯永安郡公姜恪

同東西臺三品辛未東都造乾元殿成閏月癸酉日有蝕之四月丙午曲赦桂廣黔三都督府管內大辟罪已上丙寅講武邙山之陽御城北樓觀之戊辰左侍極仍檢校大司成嘉興縣子陸敦信為檢校右相其大司成宜停西臺侍郎孫處約樂彥璋並停知政事五月辛卯以秘閣郎中李淳風造曆成名麟德曆頒之以司空英國公李勣少師高陽郡公許敬宗右相嘉興縣子陸敦信左相鉅鹿男竇德玄為檢校封禪使六月鄜州大水壞城邑秋七月鄧王裕薨冬十月戊午皇后請封禪司禮太常伯劉祥道上疏請封禪癸亥高麗王高藏遣其子福男來朝丁卯將封泰山發自東都是歲大稔米斗五錢變不列市十一月丙子次于原武以少牢祭漢將紀信墓贈驃騎大將軍庚寅華州刺史燕國公于志寧卒十二月丙午御齊州大廳乙卯命有司祭泰山丙辰發靈巖頓

唐書本紀卷第四

唐書本紀卷第五

劉 响 等修

聞人詮校刻沈桐同校

高宗下

麟德三年春正月戊辰朔車駕至泰山頓是日親祀昊天上帝於封祀壇以高祖太宗配饗已巳帝昇山行封禪之禮庚午禪於社首祭皇地祇以太穆太皇太后文德皇太后配饗皇后為亞獻越國大妃燕氏為終獻辛未御降禪壇壬申御朝親受朝賀改麟德三年為乾封元年諸行從文武官及朝覲華戎岳牧致仕老人朝朔望者三品已上賜爵二等四品已下七品已下加階八品已下加一階勳一轉諸老人百歲已上版授下州刺史婦人郡君九十八十節級齊州給復一年半管嶽縣二年所歷之處無出今年租賦乾封元年正月五日已前大赦天下賜酺七日癸酉宴群臣陳九部樂賜物有差日朕而罷丙子皇太子弘設會丁丑以前恩薄普進爵及階勳等男子賜

古爵兗州界置紫雲仙鶴萬歲觀封巒非煙重輪三寺天下諸州置
觀寺一所丙戌發自泰山甲午次曲阜縣孔子廟追贈太師增修
祠宇以少牢致祭其襄聖侯德倫子孫並免賦役二月己未次亳州
幸老君廟追號曰太上玄元皇帝創造祠堂其廟置令丞各一員改
谷陽縣為真源縣縣內宗姓特給復一年夏四月甲辰車駕至白泰
山先謁大廟而後入庚寅改鑄乾封水寶錢六月壬寅高麗莫離支
蓋蘇文死其子男生繼其父位為其弟男建所逐使其子獻誠詣闕
請降詔左驍衛大將軍契苾何力率兵以應接之秋七月乙丑徙封
殷王旭輪為豫王庚午左侍極檢校左相嘉興子陸敦信緣老病乞
辭機揆拜大司成兼知左侍極大司成兼檢校右中護劉仁軌兼右
相檢校右中護八月辛丑兼司元太常卿伯兼檢校左相鉅鹿男竇德
玄卒丁未殺司衛少卿武惟良淄州刺史武懷運仍改姓蝮氏冬十
月己酉命司空英國公勳為遼東道行軍大總管以伐高麗
二年春正月丁丑以去冬至于是月無雨雪避正殿減膳親錄囚徒

罷乾封錢復行開元通寶錢二月戊戌涪陵郡王愔薨辛丑改萬
宮依舊名九成宮夏六月乙卯西臺侍郎楊武西臺侍郎道國公
校太子左中護戴至德正諫議大夫檢校東臺侍郎安平郡公李安
期東臺侍郎張文瓘並同東西臺三品秋八月己丑朔日有蝕之
辰東臺侍郎李安期出為荊州大督府長史
三年春正月庚寅詔繕工大監兼瀚海都護劉審禮為西域道安撫
大使壬子以右相劉仁軌為遼東道副大總管二月戊午遼東道破
薛賀水五萬人陣斬首五千餘級獲生口三萬餘人器械牛馬不可
勝計丙寅以日堂制度歷代不同漢魏以還彌更訛舛遂增古今新
制其圖下詔大赦改元為摠章元二月戊寅立九成宮己卯分長
安萬年置乾封明堂二縣分理於京城之中癸未皇太子弘釋奠於
國學贈顏回太子少師曾參太子少保夏四月丙辰有彗星見於畢
昴之間乙丑上避正殿減膳詔內外群官各上封事極言過失於是
羣臣上言星雖孛而光芒小此非國首不足上勞聖慮請御正殿復

常饌帝曰朕獲奉宗廟撫臨億兆誠朕之不德也當責躬修德以禳之羣臣復進曰星孛于東北此高麗將滅之徵帝曰高麗百姓即朕之百姓也既為萬國之主豈可推過於小蕃竟不從所請乙亥彗星滅辛巳西臺侍郎楊武表秋八月癸酉至自九成宮九月癸巳司空英國公勣破高麗拔平壤城擒其王高藏及其大臣男建等以歸境內盡降其城一百七十九萬七千以其地為安東都護府分置四十二州

二年春正月封諸王嫡子皆為邵王二月東臺侍郎同東西臺三品兼知左史事張文瓘署位始入銜三月東臺侍郎郝處俊同東西臺三品癸酉皇后親祀先蠶夏四月乙酉幸九成宮置司列少常伯司戎少常伯各兩員五月庚子移高麗戶二萬八千二百車一千八百乘牛三千三百頭馬二千九百疋駝六十頭將入內地萊營二州般次發遣量配於江淮以南及山南并京以西諸州空閑處安置八月戊申朔日有蝕之括州大風雨海水之溢永嘉安固二縣城郭漂百

姓宅六千八百四十三區溺殺人九千七百五十五百頭損田草四千一百五十頃異州大水漂壞居人廬舍數千家並遣使賑給秋七月劔南益瀘雋茂陵邛雅縣翼維始簡真榮隆果梓普遂等一十九州旱百姓乏絕摠三十六萬七千六百九十戶遣司珍大夫路勵行存問賑貸癸巳異州大都督府奏自六月十三日夜降雨至二十日水深五尺其夜暴雨深一丈已上壞屋一萬四千三百九十區害田四千四百九十六頃遣右衛大將軍涼國公契苾何力為駕海道行軍大摠管秋八月甲戌改瀚海都護府為安北都護府九月己亥發自九成宮壬寅停華林頓大蒐于岐乙巳至岐州高祖初仕隋為扶風太守故曲赦岐州管內高祖時胥徒隨材擢用賜高年衣物粟帛各有差冬十月丁巳至自九成宮十一月庚辰發九州八夫轉發太原倉米粟入京丁亥徙封豫王旭輪為翼王仍令單名翬十二月戊申司空太子太師英國公勣薨是冬每雪

三年春正月丁丑右相樂成男劉仁執致仕辛卯列遼東地為州縣

二月戊申以尋親錄囚徒祈禱名山大川癸丑日色出如楮三月甲戌朔大赦天下改元為咸亨元年三月丁丑改蓬萊宮為含元殿壬辰太子少師同東西臺三品許敬宗致仕夏四月吐蕃寇陷白州等一十八州又與于闐合衆襲龜茲城陷之罷安西四鎮辛亥以右威衛大將軍薛仁貴為羅娑道行軍大總管右衛員外大將軍阿史那道真左衛將軍郭待封為副領兵五萬以擊吐蕃庚午幸九成宮雍州大雨雹五月丙戌詔曰諸州縣孔子廟堂及學館有破壞并先來未造者遂使生徒斲業之所先師闕奠祭之儀久致飄露深非敬本宜令所司速事營造六月壬寅朔日有蝕之秋七月戊子前西臺侍郎李敬玄起復本職仍依舊同東西臺三品薛仁貴郭待封至大非川為吐蕃大將諲欽陵所襲大敗仁貴等並坐除名吐谷渾全國盡沒唯慕容諾曷鉢及其親信數千帳內屬仍徙於靈州界八月甲子至白九成宮王梁州都督趙士福薨丙寅以久旱避正殿尚食減膳九月甲申衛國夫人楊氏薨贈魯國夫人謚曰忠烈閏月壬子

故贈司徒周忠孝公士讓贈太尉太子太師太原郡王贈魯國忠烈太夫人贈太原王妃甲寅葬太原王妃京官文武九品已上及外命婦送至便橋宿次冬十月癸酉大雪平地三尺餘行人凍死者贈帛給棺木令雍同華州貧窶之家有年十五已下不能存活者聽一切任人收養為男女充驅使皆不得將為奴婢丙申太子右中護兼攝正諫大夫同東西臺三品趙仁本為左肅機罷知政事十二月庚寅諸司及百官各復舊名是歲天下四十餘州旱及霜蟲百姓飢乏關中尤甚詔令任往諸州逐食仍轉江南租米以賑給之二年春正月乙巳幸東都留皇太子弘於京監國令侍臣戴至德張文瓘李敬玄等輔之唯以閹立本郝處俊從甲子至東都二月丁亥雍州人梁金柱請出錢三千貫賑濟貧人夏四月戊子大風折木六月戊寅左散騎常侍兼檢校秘書太子賓客周國公武敏之以罪復本姓賀蘭氏除名流雷州丁亥以旱親錄囚徒秋九月地震司徒潞州刺史徐王元禮薨冬十月搜揚明達禮樂之士十一月甲午朔日

有蝕之庚戌幸許汝等州教習癸酉冬狩校獵於許州葉縣昆水之陽十二月丙戌還東都

三年春正月辛丑發梁益等一十八州兵募五千三百人遣右衛副率梁積壽往姚州擊叛蠻辛未制雍洛二州人聽任本州官二月己卯侍中永安邵公姜恪卒於河西鎮守夏四月戊寅幸合璧宮壬午於水南教旗上問中書令閻立本黃門侍郎郝處俊伊尹負鼎俎于湯應是補緝時政不知鑄鼎所緣復在何國將爲國之重器歷代傳寶閻立本以古義對五月乙未五品已上改賜新魚袋並飾以銀三三已上各賜金裝刀子礪石一具六月丙子於洛州栢崖置倉八月壬子特進高陽郡公許敬宗卒九月乙卯冀州大都督府復爲魏州魏州復爲冀州壬寅沛王賢徙封雍王冬十月己未皇太子監國壬戌車駕還京師乙亥中書侍郎同中書門下三品道國公載至德加兼戶部尚書黃門侍郎同中書門下三品張文確檢校大理卿黃門侍郎甌山縣公同中書門下三品郝處俊爲中書侍郎兼檢校吏部

侍郎同中書門下二品李敬玄爲吏部侍郎並依舊同中書門下三品十一月戊子朔日蝕之甲辰至自東都十二月癸卯太子左庶子劉仁軌同中書門下三品是冬左監門大將軍高侃大敗新羅之衆於橫水

四年春正月甲午詔咸亨初收養爲男女及驅使者聽量酌衣食之直放還本處丙辰絳州刺史鄭王元懿薨二月壬午以左金吾將軍裴居道女爲皇太子弘妃夏四月丙子幸九成宮閏五月丁卯燕山道摠管李謹行破高麗叛黨於瓠盧河之西高麗平壤餘衆遁入新羅秋七月庚午九成宮太子新宮成上召五品已上諸親宴太子宮極歡而罷辛巳婺州暴雨水泛溢漂溺居民六百家詔令賑給八月辛丑上疴疾令太子受諸司啓事己酉大風毀太廟鴟吻冬十月壬午中書令博陵縣子閻立本卒乙未皇太子弘納妃畢曲赦岐州大酺三日庚子還京師乙巳至自九成宮十一月丙寅上製樂章有上元二儀三才四時五行六律七政八風九宮十洲得一慶雲之曲詔

有司諸大祠亭即六之十二月丙午弓月踈勒二國王入朝請降
五年春二月壬午遣太子左庶子同中書門下三品劉仁軌為雞林
道大摠管以討新羅仍令衛尉卿李弼右領大將軍李謹行副之三
月辛亥朔日有蝕之已巳皇后祀先蠶夏四月辛卯以尚輦奉御周
國公武承嗣為宗正卿五月己未詔春秋二社本以祈農如聞此外
別為邑會此後除二社外不得聚集有司嚴加禁止六月壬寅太白
入東井秋八月壬辰追尊宣簡公為宣皇帝懿王為光皇帝太祖武
皇帝為高祖神堯皇帝太宗文皇帝為文武聖皇帝太穆皇后為太
穆神皇后文德皇后為文德聖皇后皇帝稱天皇皇后稱天后改咸
亨五年為上元元年大赦戊戌勅文武官三品已上服紫金玉帶四
品深緋五品淺緋並金帶六品深綠七品淺綠並銀帶八品深青九
品淺青鍮石帶庶人服黃銅鐵帶一品已下文官並帶手巾笄袋刀
子礪石武官欲帶亦聽之九月辛亥百寮具新服上宴之於麟德殿
癸丑追復長孫無忌官爵仍以其曾孫翼襲封趙國公許歸葬於昭

陵先造之墳十一月丙午朔幸東都已西狩于華山之曲武原戊辰
至東都十二月將王憚薨戊子于闐王伏闕雄來朝辛卯波斯王卑
路斯來朝壬寅天后上意見十二條請王公百寮皆習老子每歲明
年一準孝經論語例試於有司又請子父在為母服三年號王鳳薨
二年春正月甲寅熒惑犯房壬戌支汗郡王獻碧玻璃丙寅以于闐
為昆沙都督府以尉遲伏闕雄為毗沙都督分其境內為十州以伏
闕雄有擊吐蕃功故也庚龜茲王白素稽獻銀頗羅辛未吐蕃遣其
大臣論吐渾彌來請和不許二日雞林道行軍大摠管大破新羅之
衆於七重城斬獲甚衆新羅遣使入朝獻方物伏罪赦之復其王金
法敏官爵三月丁未日色如赭丁巳天后親蠶於邛山之陽時帝風
疹不能聽朝政事皆決於天后自誅上官儀後上每視朝天后垂簾
於御座後政事大小皆預聞之內外稱為二聖帝欲下詔令天后攝
國政中書侍郎郝處俊諫止之夏四月分括州永嘉永固二縣置溫
州析臨海縣為樂安永寧二縣辛巳周王顯妃趙氏以罪幽死己亥

皇太子弘薨于合璧宮之綺雲殿時帝幸合璧宮是日還東都五月
己亥追謚太子弘為孝敬皇帝六月戊寅以雍王賢為皇太子大赦
秋七月辛亥洛州復置緱氏縣以管孝敬皇帝恭陵慈州刺史杞王
上金坐事於澧州安置八月庚子太子左庶子同中書門下三品樂
成侯劉仁執為左僕射依舊監修國史中書門下三品大理卿張文
瓘為侍中中書侍郎同三品甄山公郝處俊為中書令監脩國史如
故吏部侍郎檢校太子左庶子監脩國史李敬玄吏部尚書兼太子
左庶子同中書門下三品依前監脩國史左丞許圍師為戶部尚書
九月丙午宰相劉仁執戴至德張文瓘郝處俊並兼太子賓客冬十
月析永州營道江華唐興三縣置道州壬午星孛於角元之南長五
尺十二月丁亥龜茲王白素稽獻名馬

三年春正月戊戌徙封翼王輪為相王二月甲戌移安東都護府於遼
東乙亥堅昆獻名馬丁亥幸汝州之溫湯三月癸卯黃門侍郎來恒
中書侍郎薛元超並同中書門下三品甲辰還東都二月己巳朔吐

蕃入寇鄯廓河芳等四州乙酉洛州牧周王顯為泚州道行軍元帥
領工部尚書劉審禮等十二摠管并州都督相王輪為涼州道行軍
元帥領左衛將軍契苾何力等軍以討吐蕃二王竟不行戊午勅制
比用白紙多為蟲蠹今後尚書省下諸司州縣宜並用黃紙其承制
勅之司量為卷軸以備披檢庚寅車駕還京夏四月戊申至自東都
甲寅中書侍郎李義琰同中書門下三品戊午幸九成宮六月癸丑
黃門侍郎高智周同中書門下三品秋七月慧起東井指北河漸東
北長三丈掃中台指文昌宮五十八日方滅八月乙未吐蕃寇豐州
庚子以星變避殿減膳放京城繫囚令文武官各上封事言得失壬
寅置南選使簡補廣交黔等州官吏青齊等州海泛溢又大雨漂溺
居人五千家遣使賑卹之九月甲子朔車駕還京丙申郇王素節削
戶三分之一於袁州安置癸丑於北京置金鄰州十一月丁卯勅新
造上元舞圓丘方澤享太廟用之祭則停壬申以陳州言鳳凰見
於宛丘改上元三年曰儀鳳元年大赦庚寅吏部尚書李敬玄為中

書令十二月丙申皇太子賢上所注後漢書賜物三萬段戊午遣使分道巡撫宰相來恒河南道薛元超河北道左丞崔知悌等江南道二年春正月乙亥上躬籍田於東郊庚辰京師地震壬辰幸司竹園即日還宮二月丁巳工部尚書高藏授遼東都督封朝鮮郡王遣歸安東輯百濟餘衆仍移安東都護府於新城以統之夏四月以河南河北旱遣使賑給八月徙封周王顯爲英王改名哲乙巳太白犯軒轅十二月乙卯勅關內河東諸州召募勇敢以討吐蕃詔京文武職事官三品已上每年各舉文武才能堪任將帥牧守者一人是冬無雪三年四月丁亥朔以旱避正殿親錄囚徒悉原之戊申大赦改來年正月一日爲通乾癸丑涇州獻二小兒連心異體年四歲五月壬戌幸九成宮以相王輪爲洛州牧秋七月丁巳宴近臣諸親於咸亨殿上謂霍王元軌曰去冬無雪今春少雨自避暑此宮其雨頗降夏麥豐熟秋稼滋榮又得敬玄表奏吐蕃入龍支張虔勗與之戰一日而

陣斬馘極多又太史奏七月朔太陽合虧而不虧此蓋上天垂祐宗社降靈豈虛薄所能致此又男輪最小特所留愛比來與選新婦多不稱情近納劉延景女觀其極有孝行復是私衷一喜思與叔等同爲此歡各宜盡醉上因賦七言詩効栢梁體侍臣並和九月丁巳還京師辛酉至自九成宮癸亥侍中張文瓘卒丙寅泚河道行軍大摠管中書令李敬玄左衛大將軍劉審禮等與吐蕃戰于青海之上王師敗績審禮被俘二女蕃寇爲患問計於侍臣中書舍人郭正一等咸以備邊不深討爲策十月丙午徐州刺史密王元曉薨閏十月戊寅熒惑犯鈎鈴十一月乙未昏霧四塞連夜不解丙申雨水冰壬子黃門侍郎同中書門下三品來恒卒十二月詔停明年通乾之號以反語不善故也

四年正月辛未三品出書平恩縣公許國師卒己酉三東都庚戌尚書右僕射道國公戴三德薨二月壬戌吐蕃贊普卒遣使弔祭之乙丑東都饑官出糶米以救饑人夏四月戊午熒惑入羽林星左丞崔

知悌爲戶部尚書中書令郝處俊爲侍中五月壬午盜殺正諫大夫
明崇儼丙戌皇太子賢監國戊戌造紫桂宮於沔池之西六月辛亥
制大赦天下改儀鳳四年爲調露元年秋七月己卯朔詔以今年冬
至有事嵩岳禮官學士詳定儀注八月丁巳侍中郝處俊左庶子高
智周黃門侍郎崔知溫給事中劉景先兼脩國史九月壬午吏部侍
郎裴行儉討西突厥擒其十姓可汗阿史那都支及別帥李遮旬以
歸冬十月軍千八都護府突厥阿史德溫傳及奉職二部相率反叛
立阿史那泥熱爲可汗二十四州首領並叛遣軍于大都護長史
蕭嗣業將軍化大智李景嘉等討之與突厥戰爲賊所敗嗣業配流
桂州壬子令將軍曹懷舜率兵往恒州守井陘崔獻往絳州守龍門
以備突厥庚申前詔封高山直停癸亥吐蕃文成公主遣其大臣論
塞調傍來告喪請和親不許遣郎將來令文史吐蕃會替普之葬十
一月戊寅朔左庶子同三品高智周罷知政事癸未以吏部侍郎裴
行儉爲禮部尚書賞擒都支遮旬之功也甲辰裴行儉爲定襄道大

摠管與營州都督周道務等兵十八萬并西軍程務挺東軍李文贍
等惣三十萬以討突厥甲寅臨軒試應岳牧舉人

二年春正月乙酉宴諸王諸司三品已上諸州都督刺史於洛城南
門樓奏新造六合還淳之舞二月丙午詔曰故符璽郎李延壽撰正
典一部辭殫雅正雖已淪亡功猶可錄宜賜其家絹五十疋壬子霍
王元軌率文武百寮請出一月俸料助軍以討突厥癸丑幸汝州溫
湯丁巳至少室山戊午親謁少姨廟賜故玉清觀道士王遠知謚曰
昇真先生贈太中大夫又幸隱士田遊巖所居己未幸嵩陽觀及啓
母廟並命立碑又幸逍遙谷道士潘師正所居甲子自溫湯還東都
三月裴行儉大破突厥於黑山擒其首領奉職僞可汗泥熟旬爲其
部下所殺傳首來降夏四月乙丑幸紫桂宮戊辰黃門侍郎裴炎崔
知溫中書侍郎王德真並同中書門下三品五月癸未焚惑犯輿鬼
丁酉太白經天秋七月吐蕃寇河源屯于良非川河西鎮撫大使李
敬玄與吐蕃將贊婆戰于湟中官軍敗績時左武衛將軍黑齒常之

力戰大破蕃軍遂擢爲河源軍經畧大使令李敬玄鎮鄯州爲之援
丙申江王元祥薨是月突厥餘衆圍雲州中郎將程務挺擊破之八
月丁未自紫桂宮還東都丁巳鄯州都督李敬玄左遷衡州刺史甲
子廢皇太子賢爲庶人幽於別所乙丑立英王哲爲皇太子改調露
二年爲永隆元年赦天下大酺三日太子左庶子同中書門下三品
張大安坐庶人左遷普州刺史九月河南河北諸州大水遣使賑卹
溺死者官給棺槨其家賜物七段冬十月壬寅蘇州刺史曹王明封
零陵郡王於黔州安置坐附庶人賢也已酉自東都還京十一月朔
日有蝕之洛州饑減價官糶以救饑人

二年春正月突厥寇原慶等州乙亥命將軍李知十王杲等分兵禦
之癸巳遣禮部尚書裴行儉爲定襄道大摠管率師討突厥温傳部
落已亥詔雍岐華同民戶宜免兩年地稅河南河北遭水處一年上
詔雍州長史李義玄曰朕思還淳返朴示天下以質素如聞游手墜
業此類極多時稍不豐便致饑饉其異色綾錦并花間裙衣等糜費

既廣俱害女工天后我之疋敵常著七破間裙豈不知更有靡麗服
飾務遵節儉也其紫服赤衣間閭公然服用兼高賈富人厚葬越禮
卿可嚴加捉搦勿使更然二月丙午皇太子親行釋奠禮三月辛卯
左僕射同三品劉仁軌兼太子少傅侍中郝處俊爲太子少保罷知
政事五月丙戌定襄道摠管曹懷舜與突厥史伏念戰於橫水官軍
大敗懷舜死配流嶺南六月壬子故江王元祥男暉以犯名教斬
於大理寺後園七月太平公主出降薛紹赦京城繫囚閏七月丁未
黃門侍郎裴炎爲侍中黃門侍郎崔知温中書侍郎薛元超並爲中
書令庚申上以服餌令皇太子監國丙寅雍州大風害稼米價騰踊
是月裴行儉大破突厥史伏念之衆伏念爲程務挺急追遂執温傳
來降行儉於是盡平突厥餘黨行儉執伏念温傳振旅凱旋八月丁
卯朔河南河北大水遭水處往江淮已南就食丁亥戶部尚書崔
知温卒辛卯改交州爲安南都護府九月丙申彗星見於天市長五
尺冬十月丙寅朔日有蝕之乙丑改永隆二年爲開耀元年曲赦定

襄軍及綠征突厥官更兵募等丙寅斬阿史那伏念及溫傳等五十
四人於都市丁亥新羅王金法敏薨仍以其子政襲位十一月癸卯
徙庶人賢于巴州十二月吐火羅獻金衣一領上不受辛未太子小
保觀山縣公郝處俊薨

永淳元年正月乙未朔以生饑罷朝會關內諸府兵令於鄧綬等州
就穀二月癸未以太子誨監涇蒲月大赦改開耀二年爲永淳元年
大酺三日戊午立皇孫思紹爲皇太子孫欲開府置寮屬吏部郎中王
方慶曰按周禮有嫡子與嫡孫漢魏已來皇太子在不立太孫但封
王耳晉立愍懷太子子或爲太孫齊立文惠太子子昭業爲太孫便
居東宮而皇太子在不立太孫未有前例上曰自我作古可乎亦可
然竟不立府寮是春關內旱日色如赭四月甲子朔日有蝕之丙寅
幸東都皇太子京師留守命劉仁軌裴炎薛元超等輔之上以穀貴
減廩從兵士庶從者多殍踣於路辛未以裴行儉爲金牙道行軍大
摠管與將軍閻懷且等三摠管兵分道討十姓突厥阿史那車薄行

儉未行而卒安西副都護王方翼破車薄咽頰西域平戊寅次涇池
之紫桂宮乙酉至東都丁亥黃門侍郎郭待舉兵部侍郎岑長倩中
書侍郎郭正一吏部侍郎魏玄同並同中書門下同承受進止平章
事上謂叅知政事崔知溫曰待舉等歷任尚淺且令預聞政事未可
即與卿等同名稱自是外司四品已下知政事者遂以平章爲名五
月壬寅置東都苑摠監自丙午連日澍雨洛水溢壞天津及中橋立
德弘教景行諸坊溺居民千餘家六月關中初雨麥苗澇損後旱京
兆岐隴螟蝗食苗並盡加以民多疫癘死者枕藉於路詔所在官司
埋瘞丁丑以岐州刺史蘇良嗣爲雍州長史京師人相食寇盜縱橫
秋七月己亥造奉天宮於嵩山之陽仍置嵩陽縣又於藍田造萬全
宮庚申零陵王明薨是秋山東大水民饑吐蕃寇柘松翼等州冬十
月甲子京師地震丙寅黃門侍郎劉景先同平章事十二月南天竺
于闐各獻方物突厥餘黨阿史那骨篤祿等招合殘衆據黑沙城入
寇并州北境

二年春正月甲午朔幸奉天宮遣使祭嵩岳少室箕山具茨等山西
王母啓母巢父許由等祠二月甲午洛州長史李仲玄爲宗正卿庚
午突厥寇定州媯州之境巳卯左領軍衛大將軍薛仁貴卒三月庚
寅突厥阿史那骨篤祿阿史德元珍等圍單于都護府丙午慧見五
車北二十五日而滅癸丑中書令崔知溫卒夏四月己巳還東都甲
申綏州部白鐵余據城平縣反命將軍程務挺將兵討之五月庚寅
幸芳桂宮阻雨還東都突厥寇蔚州殺刺史李思儉豐州都督崔智
辨率師出朝那山掩擊之爲賊所敗遂寇嵐州秋七月己丑封皇孫
重福爲唐昌郡王甲辰相王輪改封豫王仍名旦己丑令唐昌郡王
重福爲京留守劉仁軌副之召皇太子至東都已巳河水溢壞河陽
城水而高於城內五尺北至鹽坎居人廬舍漂沒皆盡南北並壞庚
戌熒惑入輿鬼犯質星十一日皇太子來朝癸亥幸奉天宮時天后
自封岱之後勸上封中岳每下詔草儀注即歲饑邊事警急而止至
是復行封中岳禮上疾而止上苦頭重不可忍侍醫秦鳴鶴曰刺頭

微出血可愈天后惟中言曰此可斬欲刺血於人主首耶上曰吾苦
頭重出血未必不佳即刺百會上曰吾眼明矣戊戌命將軍程務挺
爲單于道安撫大使以招討總管材山賊元珍骨篤祿賀魯等詔皇
太子監國裴炎劉齊賢鄭正一等於東宮同平章事丁未自奉天宮
還東都上疾甚宰臣已下並不得謁見十二月己酉詔改永淳二年
爲弘道元年將宣赦書上欲親御則天門樓氣逆不能上馬遂召百
姓於殿前宣之禮畢上問侍臣曰民庶喜否曰百姓蒙赦無不感悅
上曰蒼生雖喜我命危篤天地神祇若延吾一兩月之命得還長安
死亦無恨是夕帝崩於真觀殿時年五十六宣遺詔七日而殯皇太
子即位丁卯前園陵制度務從節儉軍國大事有不決者取天后處
分群臣上謚曰天皇帝廟號高宗文明元年八月庚寅葬于乾陵
天寶十二載改謚曰天皇帝大弘孝皇帝
史臣曰大帝往在藩儲見稱長者暨昇旒宸頓異明哉虛襟似納於
觸鱗下詔無殊於扇暍旣蕩情於帷簿遂忽怠於基扃惑麥斛之佞

言中宮被毒聽趙師之誣說元舅鄧寬忠良自是曾肩姦佞於焉得志卒致盤維盡戮宗社為墟古所謂一國為一人興前賢為後愚廢信矣哉
贊曰藉文鴻業僅保餘位封岱禮天其德不類伏戎于寢構堂終墜自蘊禍胎邦家殄瘁

唐書本紀卷第五

唐書本紀卷第六

則天皇后

則天皇后武氏諱嬰并州文水人也父士護隋大業末為鷹揚府隊正高祖行軍於汾晉每休止其家義旗初起從平京城貞觀中累遷工部尚書荊州都督封應國公初則天年十四時太宗聞其美容止召入宮立為才人及太宗崩遂為尼居感業寺大帝於寺見之復召入宮拜昭儀時皇后王氏良娣蕭氏頻與武昭儀爭寵互讒毀之帝皆不納進號宸妃永徽六年廢王皇后而立武宸妃為皇后高宗稱天皇帝武后亦稱天后后素多智計兼涉文史帝自顯慶已後多苦風疾百司表奏皆委天后詳決自此內輔國政數十年威勢與帝無異當時稱為二聖

弘道元年十二月丁巳大帝崩皇太子顯即位尊天后為皇太后既

劉 响 等修

聞人詮校刻沈桐同校

將寡奪是日自臨朝稱制庚午加授澤州刺史韓王元嘉為太尉豫州刺史滕王元嬰為開府儀同三司絳州刺史魯王靈夔為太子太師相州刺史越王貞為太子太傅安州都督紀王慎為太子太保元嘉等地尊望重恐其生變故進加虛位以安其心甲戌劉仁軌為尚書左僕射岑長倩為兵部尚書魏玄同為黃門侍郎並依舊知政事劉齊賢為侍中裴炎為中書令

嗣聖元年春正月甲申朔改元二月戊午廢皇帝為廬陵王幽于別所仍改賜名哲已未立豫王輪為皇帝令居於別殿大赦天下改元文明皇太后仍臨朝稱制庚午廢皇太孫重照為庶人太常卿兼豫州府長史王德貞為侍中中書侍郎豫王府司馬劉禕之同中書門下三品三月庶人賢死于巴州夏四月滕王元嬰薨改封畢王上金為澤王葛王素節為許王丁丑遷廬陵王哲於均州閏五月禮部尚書武承嗣同中書門下三品秋七月突厥骨咄祿元珍寇朔州命左威衛大將軍程務挺拒之彗星見西北方長二丈餘經三十三日乃滅

九月大赦天下改元為光宅旗幟改從金色飾以紫畫以雜文改東都為神都又改尚書省及諸司官名初置右肅政御史臺呂貞故司空李勣孫柳州司馬徐敬業偽稱揚州司馬殺長史陳敬之據揚州起兵自稱上將以臣復為辭冬十月楚州司馬李崇福率所部三縣以應敬業命左玉鈐衛大將軍李孝逸為大總管率兵三十萬以討之殺內史裴炎丁酉追削敬業父祖官爵復其本姓徐氏十二月前中書令薛元超卒殺左威衛大將軍程務挺垂拱元年春正月以敬業平大赦天下改元劉仁軌薨三月遷廬陵王哲於房州頒下親撰垂拱格於天下夏四月內史蘇味道左授青州刺史五月初官尚書裴居道為內史納言王德真配流象州冬官尚書蘇良嗣為納言詔内外文武九品已上及百姓咸令自舉是夏大旱

二年春正月皇太后下詔復政於皇帝以皇太后既非實意乃固讓皇太后仍依舊臨朝稱制大赦天下初令都督刺史並準京官帶魚

三月初置匾於朝堂有進言事者聽授之由是人間善惡事多所知悉夏四月岑長倩為內史六月蘇良嗣為文昌左相天官尚書臺待價為文昌右相正同鳳閣鸞臺三品右廂政御史大夫韋思謙為納言

三年春正月封王子成義為恒王隆基為楚王隆範為衛王隆業為趙王二月韋思謙請致仕許之夏四月裴居道為納言夏官侍郎張光輔為鳳閣侍郎同鳳閣鸞臺平章事庚午劉禕之賜死於家秋八月地官尚書魏玄同檢校納言

四年春二月毀乾元殿就其地造明堂山東河南甚飢乏詔司屬卿王及善司府卿歐陽通冬官侍郎狄仁傑巡撫賑給夏四月魏王武承嗣僞造瑞石文云聖母臨人永昌帝業今雍州人唐同泰表稱獲之洛水皇太后大悅號其石為寶圖擢授同泰游擊將軍五月皇太后加尊號曰聖母神皇秋七月大赦天下改寶圖曰天授聖圖封洛水神為顯聖加位特進并立廟就水側置永昌縣天下大酺五日

月士富博州刺史琅耶王冲據博州起兵命左金吾大將軍元帥為行軍總管討之庚戌冲父豫州刺史越王貞又舉兵於豫州與冲相應九月命內史岑長倩鳳閣侍郎張光輔左監門大將軍鞠崇裕率兵討之丙寅斬貞及冲等傳首神都改姓為虺氏曲赦博州韓王元嘉魯王靈夔元嘉子黃國公譔靈夔子左散騎常侍范陽王諷霍正元軌及子江都王緒故號王元鳳子東莞公融坐與貞通謀元嘉靈夔自殺元軌配流黔州譔等伏誅改姓虺氏自是宗室諸王相繼誅死者殆將盡矣其子孫年幼者咸配流嶺外誅其親黨數百餘家十二月神皇拜洛水受天授聖圖是日還宮明堂成

永昌元年春正月神皇親享明堂大赦天下改元大酺七日二月張光輔為內史武承嗣為納言夏四月誅蔣王暉道王元慶徐王元禮曹王明等諸子孫徙其家屬於巖州五月命文昌右相韋待價為安息道大摠管以討吐蕃六月令文武官五品已上各舉所知秋七月紀王慎被誣告謀反載以檻車流于巴州改姓虺氏韋待價坐遲留

不進士卒多飢饉而死配流繡州八月左肅政御史大夫王本立同
鳳閣鸞臺三品辛巳誅內史張光輔九月納言魏玄同賜死于家冬
十月春官尚書范履冰鳳閣侍郎邢文偉並同鳳閣鸞臺平章事改
羽軍百騎為千騎

載初元年春正月神皇親享明堂大赦天下依周制建子月為正月
改永昌元年十一月為載初元年十二月為臘月改舊正月為一月
大酺三日神皇自以聖字為名遂改詔書為制書春一月蘇良嗣為
特進武承嗣為文昌左相岑長倩為文昌右相裴居道為太子少傅
並依舊同鳳閣鸞臺三品鳳閣侍郎武攸寧為納言邢文偉為內史
秋七月殺豫章王廩遷其父弘王元名於和州有沙門十人偽撰大
雲經表上之盛言神皇受命之事制頒於天下令諸州各置大雲寺
揔度僧十人丁亥殺隨州刺史澤王上金舒州刺史許王素節并其
子數十人九月九日壬午革唐命改國號為周改元為天授大赦天
下賜酺七日乙酉加尊號曰聖神皇帝降皇帝為皇嗣丙戌初立武

氏七廟於神都追尊神皇父贈太尉太原王士彥為孝明皇帝兄子
文昌左相承嗣為魏王天官尚書三思為梁王堂姪懿宗等十二人
為郡王司賓御史務茲為納言鳳閣侍郎宗秦客為內史給事中傅
游藝為鸞臺侍郎仍依舊知鳳閣鸞臺平章事令史務茲等十人分
道存撫天下改內外官所佩魚並作龜冬十月改并州文水縣為武
興縣依漢豐沛例百姓子孫相承給復

二年正月親祀明堂春三月改唐太廟為享德廟夏四月令釋教在
道法之上僧尼處道士女冠之前六月命岑長倩率諸軍討吐蕃左
肅政御史大夫格輔元為地官尚書鸞臺侍郎樂思晦並同鳳閣鸞
臺平章事秋七月徙關內雍同等七州戶數十萬以實洛陽分京兆
置鼎稷鴻冑四州夏官尚書歐陽通知納言事九月傅游藝下獄死
右羽林衛大將軍建昌王攸寧為納言洛州司馬狄仁傑為地官侍
郎同鳳閣鸞臺平章事冬十月制官人者咸令自舉殺文昌左相
岑長倩納言歐陽通地官尚書格輔元

三年正月親祀明堂春一月冬官尚書楊執柔同鳳閣鸞臺平章事
 三月五天竺國並遣使朝貢四月大赦天下改元為如意禁斷天下
 屠殺秋七月大洛水汎溢漂流人居五千餘家遣使巡問賑貸八
 月魏王承嗣為特進廷昌王攸寧為冬官尚書楊執柔為地官尚書
 並罷知政事秋官侍郎崔元琮為鸞臺侍郎夏官侍郎李昭德為鳳
 閣侍郎天官侍郎姚璿為文昌左丞地官侍郎李元素為文昌右
 丞並同鳳閣鸞臺平章事九月大赦天下改元為長壽改用九月為
 社大酺七日并州改直北都冬十月武威軍總管王孝傑大破吐蕃
 復龜茲于闐疎勒碎葉鎮

二年春一月親享明堂癸亥殺皇嗣妃劉氏竇氏臘月改封皇孫成
 器為壽春郡王宜王承義為衡陽郡王隆基為臨淄郡王衛王隆軌
 為巴陵郡王隆業為彭城郡王春二月尚方監裴匪躬坐潛謁皇嗣
 腰斬於都市秋九月上加金輪聖神皇帝號大赦天下大酺七日辛
 丑司宿御豆盧欽望內史文昌右丞章巨源同鳳閣鸞臺平章事

秋官侍郎陸元方為鸞臺侍郎同鳳閣鸞臺平章事

三年春一月親享明堂二月鳳閣侍郎李昭德檢校內史鸞臺侍郎
 蘇味道同鳳閣鸞臺平章事章巨源為夏官侍郎依舊知政事四月
 夏官尚書王孝傑同鳳閣鸞臺三品五月上加尊號為越古金輪聖
 神皇帝大赦天下改元為延載大酺七日秋八月司買少卿姚璿為
 納言左肅政御史中丞楊再思為鸞臺侍郎洛川司馬杜景儉為鳳
 閣侍郎仍並同鳳閣鸞臺平章事梁王武三思勸率諸蕃酋長奏請
 大徵斂東都銅鐵造天樞於門之外立頌以紀上之功業九月內
 史李昭德左授欽州南賓縣尉冬十月文昌右丞李元素為鳳閣鸞
 臺平章事

證聖元年春一月上加尊號曰慈氏越古金輪聖神皇帝大赦天下
 改元大酺七日戊子豆盧欽望章巨源杜景儉蘇味道陸元方並左
 授趙郡集綏寺州刺史丙申夜明堂災至明而並從煨燼庚子以明
 堂災告廟手詔責病令内外文武九品已上各上封事極言正諫春

二月上去慈比越古尊號秋九月親祀南郊加尊號天冊金輪聖神
皇帝大赦天下改元為天冊萬歲大辟罪已下及犯十惡常赦所不
原者咸赦除之六醜九日萬歲登封元年臘月甲申上登封于嵩嶽
大赦天下改元大醜九日丁亥禪于少室山己丑又制內外官三品
已上通前賜爵二等四品已下加兩階洛州百姓給復

二年癸巳至日嵩嶽甲午親謁太廟春一月重造明堂成夏四月親
享明堂大赦天下改元為萬歲通天大醜七日以天下大旱命文武
官九品以上極一時政得失五月營州城傍契丹首領松漠都督李
盡忠與其妻兄媪誠州刺史孫萬榮殺都督趙文翹舉兵反攻陷營
州盡忠自號可汗乙丑命鷹揚將軍曹仁師右金吾大將張玄遇右
武威大將軍李多祚司農少卿麻仁節等二十八將討之秋七月命
春官尚書梁士二思為安撫大使納言姚璿為之副制改李盡忠為
蓋滅孫萬榮萬斬秋八月張玄思曹仁師麻仁節與李盡忠戰于
西破石黃虜谷官軍敗績玄遇仁節並為賊所虜九月命右武衛大

將軍建安王攸宜為大摠管以討契丹并州長史王方慶為鳳閣侍
郎與殿中監李道廣並同鳳閣鸞臺平章事吐蕃寇涼州都督許欽
明為賊所執庚申王方慶為鳳閣侍郎仍依舊知政事李盡忠死其
黨孫萬斬代領其衆冬十一月孫萬斬攻陷其州刺史陸寶積死之十
一月又陷瀛州屬縣

二年正月親享明堂鳳閣侍郎李元素夏官侍郎孫元亨坐與綦連
耀謀反伏誅原州都督府司馬婁師德為鳳閣侍郎同鳳閣鸞臺平
章事春二月王孝傑蘇宏暉等率兵十八萬與孫萬斬戰于破石谷
王師敗績孝傑沒於陣宏暉棄甲而遁夏四月鑄九鼎成置于明堂
之庭前益州大都督府長史王及善為內史五月命右金吾大將軍
河內王懿宗為大摠管右肅政御史大夫婁師德為副大摠管右武威
衛大將軍沙吒忠義為前軍摠管率兵二十萬以討孫萬斬六月內
史李昭德司業少卿來俊臣以罪伏誅孫萬斬為其家奴所殺餘黨
大潰魏王承嗣梁王三思並同鳳閣鸞臺三品秋八月納言姚璿為

益州大都督府長史九月以契丹李盡滅等平大赦天下改元為神
功大誦七日姜師德為納言冬十月前幽州都督狄仁傑為鸞臺侍
郎司刑卿杜景儉為鳳閣侍郎並同鳳閣鸞臺平章事

聖曆元年正月親享明堂大赦天下改元大誦九日春二月召廬陵
王哲於房州夏五月禁天下屠殺突厥默啜上言有女請和親秋七
月令淮陽王武延秀往突厥納默啜女為妃遣右豹韜衛大將軍閻
知微攝春官尚書赴虜庭八月突厥默啜以延秀非唐室諸王乃囚
於別所率衆與閻知微入寇媯檀等州命同屬鄉高平王重規右武
威衛大將軍沙叱忠義幽州都督張仁貞右羽林衛大將軍李多祚
等率兵二十萬逆擊乃放延秀還已丑默啜攻陷定州刺史孫彥高
死之焚燒百姓廬舍遇害者數千人魏王承嗣卒庚子梁王三思為
內史狄仁傑為納言九月建昌王攸寧同鳳閣鸞臺平章事默啜攻
陷趙州刺史高敞遇害丙子廬陵王哲為皇太子令依舊名顯大赦天
下大誦五日令納言狄仁傑為河北道行軍元帥辛巳皇太子謁太

廟天官侍郎蘇味道鳳閣侍郎同鳳閣鸞臺平章事癸未默啜盡殺
所掠趙定州男女萬餘人從五迴道而去所至殘害不可勝紀冬十
月夏官侍郎姚元崇麟臺少監李嶠並同鳳閣鸞臺平章事是月閻
知微自突厥叛歸族誅之

二年春二月封皇嗣旦為相王初為寵臣張易之及其弟昌宗置控
鶴府宮真尋改為奉宸府班在御史大夫下左肅政御史中丞魏元
忠為鳳閣侍郎吉頊為天官侍郎並同鳳閣鸞臺平章事戊子幸嵩
山過王子晉廟丙申幸緱山丁酉至自嵩山夏四月吐蕃大論贊婆
來奔秋七月上以春秋高慮皇太子相王與梁王武三思定王武攸
寧等不協令立誓文於明堂八月王及善為文昌左相豆盧欽望為
文昌右相仍並同鳳閣鸞臺三品冬十月乙亥幸福昌縣王及善薨
三年正月戊寅梁王三思為特進天官侍郎吉頊配流嶺表臘月辛
巳封皇太子男重潤為召王狄仁傑為內史戊寅幸汝州之温湯甲
戌至自灑造三陽宮于嵩山春三月李嶠為鸞臺侍郎知政事如故

夏四月戊申幸三陽宮五月癸丑上以所疾康復大赦天下改元爲
久視停金輪等尊號大酺五日六月魏元忠爲左肅政御史大夫仍
舊知政事是夏大旱秋七月至自三陽宮天官侍郎張錫爲鳳閣侍
郎同鳳閣鸞臺平章事其甥鳳閣鸞臺平章事李嶠爲成均祭酒罷
知政事壬寅制曰隋尚書令楊素昔在本朝早荷殊遇稟凶邪之德
有諂佞之才惑亂君上離間骨肉搖動冢嫡寧唯握蠱之禍誘扇後
主卒成請蹕之費隋室喪亡蓋惟多僻究其萌兆職此之由生爲不
忠之人死爲不義之鬼身雖幸免子竟族誅斯則茲逆之謀是爲庭
訓險薄之行遂成門風刑戮雖加枝胤仍在何得肩隨近侍齒列朝
行朕接統自王恭臨四海上嘉賢佐下惡賊臣常欲從容於萬機之
餘褻貶於千載之外况年代不遠耳目所存者乎其楊素及兄弟子
孫已下並不得令任京官及侍衛九月內史狄仁傑卒冬十月甲寅
復舊正朔改一月爲正月仍以爲歲首正月依舊爲十一月大赦天
下韋巨源爲地官尚書文昌左丞韋安石爲鸞臺侍郎同鳳閣鸞臺

平章事丁卯幸新安曲赦其縣壬申至自新安十二月開屠禁諸祠
祭今依舊用牲牢大足元年春正月制改元二月鸞臺侍郎李懷遠
同鳳閣鸞臺平章事三月姚元崇爲鳳閣侍郎依舊知政事丙申鳳
閣侍郎張錫坐贓配循州夏五月幸三陽宮命左肅政御史大夫魏
元忠爲摠管以備突厥天官侍郎顧琮同鳳閣鸞臺平章事六月夏
官侍郎李迥秀同鳳閣鸞臺平章事辛未曲赦告城縣秋七月甲戌
至自三陽宮九月召王重潤爲易之讒構令自死冬十月幸京師大
赦天下改元爲長安

二年春正月突厥寇鹽夏等州殺掠人吏秋九月乙丑日有蝕之不
盡如鈎京師及四方見之冬十月日本國遣使貢方物十一月相王
日爲司徒戊子親祀南郊大赦天下
三年春三月壬戌日有蝕之夏四月庚子相王旦表讓司徒許之改
文昌臺爲中臺李嶠知納言事六月寧州雨水暴漲漂流二千餘
家溺死者千餘人秋十月殺石金吾大將軍唐休景秋九月正諫大

夫朱敬則鳳閣鸞臺平章事戊申相王旦為雍州牧是月御史大夫兼知政事太子右庶子魏元忠為張昌宗所譖左授端州高要尉京師大雨雹人畜有凍死者冬十月丙寅駕還神都乙酉至自京師四年春正月造興泰宮於壽安縣之萬安山天官侍郎韋嗣立為鳳閣侍郎同鳳閣鸞臺平章事朱敬則請致仕許之三月進封平恩郡王重福為譙王夏官侍郎宗楚客同鳳閣鸞臺平章事夏四月韋安石知納言事李嶠知內史事丙子幸興太宮六月天官侍郎崔玄暉同鳳閣鸞臺平章事李嶠為國子祭酒知政事如故七月丙戌楊再思為內史甲午至自興泰宮宗楚客左授原州都督八月姚元崇為司僕卿知政事韋安石檢校揚州大都督府長史冬十月秋官侍郎張柬之同鳳閣鸞臺平章事十一月李嶠為地官尚書張柬之為鳳閣鸞臺平章事自九月至於是日夜陰晦大雨雪都中人有飢凍死者今官司開倉賑給

神龍元年春正月大赦改元上不豫制自文明元年已後得罪人除

楊豫博三州及諸逆魁首咸赦除之癸亥麟臺監張易之與弟司僕卿昌宗及皇太子率左右羽林軍栢彥範敬暉等以羽林兵入禁中誅之甲辰皇太子監國摠統萬機大赦天下是日上傳皇帝位于皇太子徙居上陽宮戊申皇帝上尊號曰則天大聖皇帝冬十一月壬寅則天將大漸遺制祠廟歸陵令去帝稱則天大聖皇后其王蕭二家及褚遂良韓瑗等子孫親屬當時緣累者咸令復業是日崩于上陽宮之仙居殿年八十三謚曰則天大聖皇后二年五月庚申祔葬于乾陵睿宗即位詔依上元年故事號為天后未幾追尊為大聖天后改號為則天皇后太后嘗召文學之士周思茂范履冰衛敬業令撰玄覽及古今內軌各百卷青宮紀要少陽政範各三十卷維城典訓鳳樓新誡孝子列女傳各二十卷內軌要略樂書要錄各十卷百寮新誡先人本業各五卷臣軌兩卷垂拱格四卷并文集一百二十卷藏于秘閣

史臣曰治亂時也存亡勢也使桀紂在上雖十堯不能治使堯舜在

上雖十筭不能亂使婦夫女子乘時得勢亦足坐制羣生之命肆行不義之威觀夫武氏稱制之年英才接軫靡不痛心於家索扼腕於朝危竟不能報先帝之恩衛吾君之子俄至無辜被陷引頸就誅一地為籠去將安所悲夫昔掩鼻之讒古稱其毒人彘之酷世以為幸武后奪嫡之謀也振喉絕襁褓之兒菹醢碎椒塗之骨其不道也甚矣亦姦人妬婦之恒態也然猶汎延讜議時禮正人初雖牝雞司晨終能復子明辟飛語辯元忠之罪善言慰仁傑之心尊時憲而抑幸臣聽忠言而誅酷吏有旨哉有旨哉

唐書本紀卷第六

唐書本紀卷第七

劉 昫 等修
聞人詮校刻沈桐同校

中宗

睿宗

中宗太和聖昭孝皇帝諱顯高宗第七子母曰明天順聖皇后顯慶元年十一月乙丑生於長安明年封周王授洛州牧儀鳳二年徙封英王改名哲授雍州牧永隆元年意懷太子廢其年立為皇太子弘道元年十二月高宗崩遺詔皇太子柩前即帝位皇太后臨朝稱制改元嗣聖元年二月皇太后廢帝為廬陵王幽於別所其年五月遷於均州尋徙居房陵聖曆元年召還東都立為皇太子依舊名顯時張易之與弟昌宗潛圖逆亂神龍元年正月鳳閣侍郎張柬之鸞臺侍郎崔玄暉左羽林將軍敬暉右羽林將軍桓彥範司刑少卿袁恕已等定策率羽林兵誅易之昌宗迎皇太子監國擢司憲政大赦天下鳳閣侍郎韋承慶正諫大夫房融司禮卿韋慶尋下獄甲辰命地

官侍郎樊忱往京師告廟陵司刑少卿兼王府司馬袁恕己為鳳閣
鸞臺平章事乙巳則天傳位於皇太子丙午即皇帝位於通天宮大
赦天下唯易之黨與不在原限為周興來俊臣所枉階者咸令雪免
內外文武官加兩階三品已上加爵二等入五品等特減四考大酺
五日以并州牧相王旦及太平公主有誅易之兄弟功相王加號安
國相王進拜太尉同鳳閣鸞臺三品公主加號鎮國太平公主仍賜
實封通前滿五千戶皇親先被配沒者子孫令復屬籍仍量叙官爵
出宮女三千丁未天后徙居上陽宮庚戌鳳閣侍郎同鳳閣鸞臺平
章事張柬之為夏官尚書同鳳閣鸞臺三品封漢陽郡公鸞臺侍郎
兼檢校太子右庶子同鳳閣鸞臺平章事崔暉為守內史封博陵郡
公袁恕己同鳳閣鸞臺三品封南陽郡公敬暉為納言平陽郡公桓
彥範為納言譙郡公並加銀青光祿大夫賜實封五百戶右羽林大
將軍遼國公李多祚進封遼陽郡王賜實封六百戶內直郎駙馬都
尉王同皎為雲麾將軍右千牛將軍琅耶郡公食實封五百戶並賞

誅張易之兄弟功其餘封各有差上天后尊號為則天大聖皇帝二
月甲寅復國號依舊為唐社稷宗廟陵寢郊祀行軍旗幟服色天地
日月寺宇臺閣官名並依永淳已前故事神都依舊為東都北都為
并州大都督府老君依舊為玄元皇帝諸州百姓免今年租稅房
百姓給復三年改左右肅政臺為左右御史臺韋承慶貶高要尉房
融配流欽州中書令楊再思為戶部尚書同中書門下三品京留守
太僕卿同中書門下三品姚元之出為亳州刺史已未封堂兄左金
吾將軍鬱林郡公千里為成紀郡王左金吾衛大將軍實封五百戶
令貢舉人停習臣軌依舊習老子甲好妃韋氏為皇后大赦天下內
外官陪位者賜勳一轉大酺三日丙午故豫州刺史玄貞為上洛郡
王后母崔氏贈上洛郡王妃初韓王元嘉霍王元軌等自垂拱以來
皆遭非命是日追復官爵令備禮改葬有胤嗣者即令承襲無胤嗣
者聽取親為後詔九品已上及集朝使極言朝政得失兼舉賢良方
正直言極諫之士丙寅左散騎常侍譙王重福貶濮州貞外刺史不

知州事特進太子賓客梁王武三思爲司空同中書門下三品加實封五百戶通前一千五百戶丁卯右散騎常侍定安郡王駱馬都尉武攸暨封定王爲司徒更加實封四百戶通前一千戶辛未上往觀風殿朝天后太尉安國相王旦固讓太尉及知政事遂從其請甲戌國子祭酒祝欽明同中書門下三品黃門侍郎知侍中事韋安石爲刑部尚書罷知政事天子諸州置寺觀一所以中興爲名丁丑武三思固讓司空同中書門下三品武攸暨固讓司徒封王許之改封義興郡王重俊爲衛王北海郡王重茂爲溫王三月辛巳追復故司空英國公李勣官爵令所司爲起墳改葬甲申制文明已來破家臣寮所有子孫並還資廕其揚州構逆徒黨唯徐敬業一房不在免限餘並原宥丁亥廢左右司員外郎其酷吏劉光業王德壽王處貞屈貞筠劉景陽等五人雖已身死官爵並宜追奪景陽兄在貶祿州樂單尉丘神勣來子珣萬國俊周興來俊臣魚承曄王景昭索元禮傅遊藝王弘義張知默裴籍焦仁亶侯思立郭霜李敬仁皇甫文備陳嘉

言等雖已身死並宜除名唐奉一配流李秦授曹仁哲並改與嶺南遠惡處已丑中書侍郎兼檢校相王府長史南陽郡公袁恕已爲中書令兼檢校安國相王府長史詔曰君臣朝序貴賤之禮斯殊兄弟大倫先後之儀亦異聖人之制率由斯道朕臨茲寶極位在崇高負辰當陽雖受宗枝之敬退朝私謁仍用家人之禮近代以來罕尊軌度上及公主曲致私情姑叔之尊拜於子姪違法背禮情用惻然自今已後宜從革弊安國相王某及鎮國太平公主更不得輒拜衛王重俊兄弟及長寧公主姊妹等宜告宗屬知朕意焉先是諸王及公主皆以親爲貴天子之子諸姑叔見之必先致拜若致書則稱爲啓事上志欲敦睦親族故下制革之庚寅衛王重俊上洛州牧王乘駟馬車鹵簿從諸王公已下中書門下五品已上及諸親並祖送禮儀甚盛事畢賜物有差辛卯以故司僕少卿徐有功執法平恕追贈越州都督并授一子官戊戌左右千牛衛各置大將軍一員罷奉宸府官員以安北大都護安國相王旦爲左右千牛大將軍每大朝會內

唐紀七
供奉丙午改秋社依舊用仲秋八申相王且於太常廳上王公諸親
祖送衛尉張設光祿造食禮畢賜物如衛王上洛州牧之儀夏四月
乙丑端州尉魏元忠為衛尉卿同中書門下三品甲戌左庶子韋安
石為吏部尚書太子賓客李懷遠為右散騎常侍右庶子唐休璟為
輔國大將軍右庶子崔玄暉為特進檢校益州大都督府長史判都
督事右庶子西留守戶部尚書弘農郡公楊再思為檢校揚州大都
督府長史判都督事少詹事兼侍讀國子祭酒祝欽明為刑部尚書
並依前知政事以上在春宮故祭也乙亥張柬之為中書令戊寅追
贈郡王重潤為懿德太子同官縣大雨雹燕雀多死漂溺居人四百
家遣使賑給五月壬午遷武氏七廟神主于西京崇尊廟東都創置
太廟社稷戊子制依舊以周隋為二王後壬辰封成紀郡王千里為
成王女曰侍中敬暉封為平陽郡王侍中相彥範扶陽郡王賜姓韋
氏中書令張柬之漢陽郡王中書令袁恕已南陽郡王特進崔玄暉
海陵郡王並加授特進能知政事吏部尚書韋安石為兼中書令兵

部尚書魏元忠為兼侍中丙申皇后表請天下士庶為出母為二年
服年二十二戊丁五十九免役癸卯降梁王武三思為德靜郡王定
王武攸暨為樂壽郡王河內王武懿宗等十餘人並降為國公甲辰
特進芮國公豆盧欽望為尚書左僕射輔國大將軍酒泉郡公唐休
璟為尚書右僕射依舊同中書門下三品丙午制以鄒魯之邑百戶
為太師隆道公宣尼菜邑用供薦享又授裔孫哀聖侯崇基朝散大
夫仍許子孫傳襲六月丁巳河北十七州大水漂沒人居癸亥尚書
左僕射豆盧欽望軍國重事中書門下可共平章檢校中書令韋安
石中書令兼檢校吏部尚書檢校侍中魏元忠兼檢校兵部尚書楊
再思兼戶部尚書兼檢校中書令丁卯祔孝敬皇帝神主於太廟廟
號義宗非禮也戊辰洛水暴漲壞廬舍二千餘家溺死者甚眾秋七
月辛巳太子賓客韋巨源同中書門下三品乙未以特進漢陽郡王
張柬之為襄州刺史仍不知州事八月戊申以水災令文武官九品
以上直言極諫河南洛陽百姓被水兼損者給復一年甲子追冊故

妃趙氏為恭皇后尊敬妃裴氏為皇后乙亥上親祔太祖景皇帝獻
祖光皇帝世祖元皇帝高祖神堯皇帝皇祖太宗文武皇帝皇考高
宗天皇大帝皇兄義宗孝敬皇帝神主于太廟皇后廟見丁丑御洛
城南門觀闕象九月壬午親祀明堂大赦天下禁化胡經及婚娶之
家父母親亡停喪成禮天下大酺三日戊戌太子賓客韋巨源為禮
部尚書依舊知政事冬十月癸亥幸龍門香山寺乙丑幸新安改弘
文館為修文館辛未魏元忠為中書令楊再思為侍中十一月戊寅
加皇帝尊號曰應天皇后尊號曰順天壬午皇帝皇后親謁太廟告
授徽號之意大赦天下賜酺三日巳丑御洛城南門樓觀浚寒胡戲辛
丑衛王重俊為左衛大將軍遙領揚州大都督溫王重茂為右衛大
將軍遙領并州大都督十二月壬寅則天皇太后崩
二年春正月丙申護則天靈駕還京戊戌吏部尚書李嶠同中書門
下三品中書侍郎于惟謙同中書門下平章事閏月丙午朔置公主
府官員乙卯以特進敬暉相彥範袁恕已等三人為滑洛豫刺史二

月乙未刑部尚書韋巨源同中書門下三品遣十使巡察風俗丙申
僧會軌道士史崇玄等十餘人授官封公以賞造聖善寺功也三月
甲辰中書令韋安石為戶部尚書罷知政事戶部尚書蘇瓌為侍中
京留守乙巳黃霧四塞唐休璟請致仕許之庚戌殺光祿卿駙馬都
尉王同皎壬子洛陽城東七里許地色如水側近樹木往來車馬歷
歷影見水中經月餘乃滅是日大置員外官自京諸司及諸州佐凡
二千餘人超授闕官七品已上及員外者千餘人壬戌贈后父韋玄
貞大師益州都督夏四月甲戌又贈玄貞為鄴王玄貞第四人並贈
郡王已卯左散騎常侍同中書門下三品李懷遠請致仕許之辛巳
洛水暴漲壞天津橋六月戊寅特進朔州刺史平陽郡王敬暉貶崖
州司馬特進亳州刺史扶陽郡王相彥範龍州司馬特進郢州刺史
袁恕已寶州司馬特進均州刺史博陵郡王崔玄暉白州司馬特進
襄州刺史漢陽郡王張東之新州司馬並員外置長任舊官封爵並
追奪秩七月丙午立衛王重俊為皇太子丙寅中書令兼檢校兵部

尚書齊國公魏元忠為尚書右僕射兼中書令仍知兵部事吏部尚書李嶠為中書令刑部尚書李巨源為吏部尚書依舊同中書門下三品庚午禮部尚書祝欽明為中丞兼至忠所劾前左散騎常侍李懷遠為左散騎常侍同中書門下三品東都留守九月祝欽明貶青州刺史至忠幸白馬寺戊午散騎常侍李懷遠卒壬寅置戶部侍郎一員十二月己卯置駕部侍郎戊午自東都十一月乙巳大赦天下行從文武官賜醵一醵於河南為公嘗以洛陽為末邑嵩陽為乾封陽城為首邑戊午兼秘書監普思坐妖逆配流儋州其黨與皆伏誅十二月己卯突厥賊啜覆靈州嗚沙縣靈武軍大總管沙吒忠義逆擊之官軍收績死者三萬丁巳突厥進寇原會等州掠隴右牧馬萬餘而去甲申募能斬賊啜者封授諸大衛大將軍丙戌以突厥犯邊京師亢旱令減膳徹樂河北水大飢命侍中蘇瓌存撫賑給丙申特進尚書左僕射兼安國相工部長史芮國公豆盧欽望為開府儀同三司依舊平章事軍國重事尚書右僕射兼中書令知兵部事齊

國公魏元忠為尚書左僕射兼中書令仍兼知兵部事是冬牛大疫三年春正月庚子朔不受朝會喪未再葬也庚戌以默啜寇邊制於猛士武藝超絕者各令自舉內外羣官各進破滅突厥之策丙辰以早親錄囚徒己巳遣武攸暨武三思往乾陵祈雨于則天皇后既而雨降上大感悅二月辛未制武氏崇恩廟依舊享祭仍置五品令七品丞其吳陵頌陵置令丞如廟壬午贈太師鄭三廟號哀德陵號榮先置六品令八品丞庚寅改中興寺觀為龍興內外不得言中興辛卯幸安樂公主宅三月丙子吐蕃贊普遣大臣來貢熱獸方物是春自京師至山東疾疫民死者衆河北河南大旱夏四月辛巳以嗣雍王守禮女為金城公主出降吐蕃贊普庚寅幸慈福寺曲赦雍州五月戊戌左屯衛大將軍兼檢校潯州長史張仁直為朔州道大總管以備突厥丙午突厥默啜殺我行人臧思言六月卯朔日有蝕之戊子姚萇道討擊使侍御史唐九徵擊姚州叛蠻破之俘虜三千計遂於其處勒石紀功焉是夏山東河北二十六餘州旱飢饉疾疫死者

數千計遣使賑卹之秋七月庚子皇太子重俊與羽林將軍李多祚等率羽林千騎兵三百餘人誅武三思武承嗣遂引兵自肅章門斬關而入帝惶遽登玄武樓重俊引兵至下上自臨軒諭之衆遂散去殺李多祚重俊出奔至鄆縣爲部下所殺癸卯大赦天下八月丙子改玄武門爲神武門樓爲制勝樓丙戌左僕射兼中書令魏元忠請致仕授特進九月丁酉兵部尚書郢國公宗楚客左衛將軍兼太府卿紀處訥並同中書門下三品吏部侍郎兼左御史臺中丞蕭至忠爲黃門侍郎兼左御史中丞同中書門下三品中書侍郎東海郡公于惟謙國子祭酒罷知政事庚子上皇帝尊號曰應天神龍皇后尊號曰順天翊聖大赦天下改元爲景龍兩京文武官三品已上賜爵一級四品已下加一階外官賜勳一轉景龍元年九月甲辰特進魏元忠左授務川尉言與重俊通謀也庚辰侍中兼左御史臺大夫楊再思爲中書令吏部尚書韋巨源太府卿紀處訥並爲侍中侍中蘇瓌爲吏部尚書壬戌改左右羽林衛千騎爲萬騎仍分爲左右及十月

壬午慧見于西月餘而滅壬午皇后上神武頌令兩京及四大都督府皆刻之於石十二月乙丑朔日有蝕之丁丑京師雨土
二年春正月丙申滄州雨雹大如雞卵二月辛未幸左金吾大將軍陳國公陸頌宅皇后自言衣箱中裙上有五色雲起令畫工圖之以示百寮乃大赦天下癸未夜天保星墜西南有聲如雷野雉皆雊乙酉帝以后服有慶雲之瑞大赦天下內外五品已上毋妻各加邑號一等無妻者聽授女天下婦人八十已上版授鄉縣郡等尹三月丙子朔方道大摠管張仁亶築受降城於河上夏四月庚午左散騎常侍樂壽郡王駙馬都尉武攸暨讓郡王改封楚國公癸未修文館增置大學士八員直學士十二員已丑辛長樂公主在即日還宮六月丁亥改太史局爲太史監罷祿秘書省秋七月辛卯台州地震癸巳左屯衛大將軍攝右御史臺大夫兼方道行營大摠管韓國公張仁亶同中書門下三品有赤氣竟天其光燭地經三日乃止九月甲戌黃霧昏濁冬十一月庚申天厭首領葛敖自立爲可汗遣弟遮弩

率衆犯塞已卯以安樂公主出降假
及后御安福樓以觀之禮畢大赦天
師獎與安葛戰于火燒城師獎敗績
郎銓試東都又置兩銓恣行請又
有斜封授官預用秋闕

三年春正月丁卯黃霧四塞
黎園亭二月巳丑幸玄武門
爭勝負上又遣宮女爲市肆鬻賣
交易因爲忿爭言辭猥褻上與后
宗楚客中書令中書侍郎鄭國公
兵部尚書同中書門下三品中書
門下平章事兵部侍郎趙彥昭爲
申日赤紫色無光戊寅禮部尚書
子少保兼揚州大都督同中書門
下三品太常少卿兼檢校吏部侍

郎同中書門下平章事夏五月丙戌
情貶汀州司馬六月癸丑太白晝見
下搜括壬寅以旱避正殿減膳親錄
配流郴州丙辰沙葛遣使來攻辛酉
請諸婦人不因夫子而加邑號者許
之壬戌安福門外設無遮齋三品已
壬午遣使冊驍衛大將軍兼衛尉卿
汗八月乙酉特進行中書令趙國公
侍中鄭國公蕭至忠爲中書令特進
州各置司田參軍一員吐蕃贊普遣
進物及上中宮安國相王太平公主
星孛于紫宮令特進佩魚散職佩魚
管韓國公張仁宣於通化門外上製
序賦詩乙巳幸安樂公主山亭

宴侍臣學士賜繒帛有差九月壬戌幸九曲亭子宴侍臣學士戊辰
更部尚書懷縣公蘇瓌為尚書右僕射同中書門下三品冬十月庚
寅幸安樂公主金城新宅宴侍臣學士十一月乙丑親祀南郊皇后
登壇亞獻左僕射舒國公韋巨源為終獻大赦天下見繫囚徒及十
惡咸赦除之雜犯流人並放還京文武三品已上賜爵一等四品已
上加一階京官及應襲岳牧入三品五品減考高年版授大酺三日
壬申幸見子陵甲戌開府儀同三司芮國公豆盧欽望薨吐蕃替普
遣其大臣尚贊吐來逆女十二月壬戌前尚書右僕射宋國公唐休
璟為太子少師同中書門下三品甲子幸新豐之溫湯庚子幸兵
部尚書韋嗣立庄封嗣立為逍遙公上親製序賦詩便游白鹿觀甲
寅曲賜新豐縣百姓給復一年行從官賜勳一轉是月幸驪山乙巳
至自溫湯乙酉令諸司長官向醴泉坊看激胡王乞寒戲
四年春正月乙卯於化度寺門設無遮大齋丙寅上元夜帝與皇后
微行觀燈因幸中書令蕭至忠之第是夜放宮女數千人看燈因此

多不亡逸者丁卯夜又微行看燈丁丑命左驍衛大將軍河源使
楊矩為送金城公主入吐蕃使已卯幸始平送金城公主歸吐蕃二
月壬午曲赦咸陽始平為金城縣便幸長安令王光輔馬嵬北原庄
癸未至自金城庚戌令中書門下供奉官五品已上文武三品已上
并諸學士等自芳林門入集於梨園毬場分朋拔河帝與皇后公主
親往觀之三月甲寅幸臨渭亭修禊飲賜羣官柳捲以辟惡丙辰游
宴桃花園庚申京師雨水井水溢壬戌賜宰臣已下內甲子夏四
月丁亥上游櫻桃園引中書門下五品已上諸司長官學士等入芳
林園嘗櫻桃便令馬上口摘置酒一斛乙未幸隆慶池結綵為樓宴
侍臣泛舟戲樂因幸禮部尚書竇希範五月辛酉秘書監賜號王邕
改封沐王乙丑皇后請加嗣王三品丁卯前州司兵參軍燕欽融上
書言皇后干預國政安樂公主武延秀宗室等守同危宗社帝怒召
欽融廷見撲殺之時安樂公主志欲皇后臨朝稱制而求立為皇太
女由是與后合謀進鸞六月壬午帝遇毒崩于神龍殿年五十秘不

發喪皇后親總庶政癸未以刑部尚書張錫並同中書門下三品依舊東都留守吏部尚書張嘉福中書侍郎岑羲吏部侍郎崔湜並同中書門下平章事又命左右金吾衛大將軍趙承恩右監門大將軍薛簡帥兵五百人往均州備譙王重福立溫王重茂為皇太子甲申發喪于太極殿宣遺制皇太后臨朝大赦天下改元為唐隆見繫囚徒常赦所不免者咸赦除之長流任放歸田里負犯痕癢咸從洗滌内外官三品已上賜爵一級四品已下加一階以安國相王旦為太子太師進封雍王守禮為邠王壽春郡王成器為宋王宗正卿晉封新興王丁亥皇太子即帝位於柩前時年十六皇太后韋氏臨朝稱制大赦天下常赦所不原者咸赦除之内外兵馬諸親掌仍令韋溫摠知時召諸府折衝兵五萬人分屯京城列為左右營諸韋子姪分統之王屋遣使諸道巡撫紀處訥關内道張嘉福河北道岑羲河南道庚子夜臨淄王諱舉兵誅諸韋武皆梟首於安福門外韋太后為亂兵所弑九月丁卯百官上謚曰孝和皇帝廟號中

宣宗十一月己酉葬于定陵天寶十三載二月改謚曰大和大聖大昭孝皇帝

史臣曰廉士可以律貪夫賢臣不能輔屏主誠以志昏近習心無遠圖不知創業之難唯取當年之樂孝和皇帝越自負屨遷于房陵崎嶇瘴癘之鄉契濶幽囚之地所以張漢陽徘徊于克復狄梁公哽咽以奏論遂得生還庸非已力洎滌除金虎再握璿衡不能罪已以謝萬方而更漫游以隳八政縱豔妻之嬖黨則聚耦爭衡信妖女以撓權則義倫失序相敬由之覆族節愍所以興戈竟以元首之尊不免齊眉之禍比漢晉之惠盈輩為優句非繼以命世之才則土德去也睿宗玄貞大聖大興孝皇帝諱旦高宗第八子中宗母弟龍朔二年六月己未生於長安其年封殷王遷領冀州大都督單于大都護右金吾衛大將軍及三謙恭孝友好學工草隸尤愛文字訓誥之書乾封元年徙封豫王總章二年徙封吳王上初名旭輪至是去旭字上元二年徙封相王尋右衛大將軍儀鳳二年遷洛以改名且徙封豫

王嗣聖元年則天臨朝廢中宗為廬山王立孫王為皇帝乃臨朝稱制及革命改國號為周隆帝為皇嗣今俗舊名輪徒注東宮其具儀一比皇太子聖曆元年中宗自烏陵還帝數病疾不朝請讓位於中宗則天遂立中宗為皇太子封帝為廬山王又改右旦授太子之衛率長安中并司徒右羽林衛大將軍自則天初臨朝及革命之際王室屢有變故帝每恭儉退讓竟免下禍神龍元年以誅張易之昆弟功進號安國相王遷太尉加實封其年立為皇太子第固辭不受景龍四年夏六月中宗崩韋庶人臨朝引用其黨分握政柄忌帝望實素高潛謀危害庚子夜臨淄王諱與太平公主子薛崇簡前朝邑尉劉幽求長上果毅麻嗣宗先摠監鍾紹京等率兵入北軍誅韋溫紀處訥宗楚客武延秀馬秦客葉靜能趙履溫楊均等諸韋武黨與皆誅之辛丑帝挾少帝御安福門樓慰諭百姓大赦天下見繫囚徒常赦所不免者咸赦除之内外文武官三品已上賜爵一級四品已下加一階親皇三等已上加兩階四等已下及諸親賜勳三轉天下百姓免

今年田租之半進封臨淄王為平王以薛崇簡為立節郡王鍾紹京為中書侍郎劉幽求為中書舍人並叅知機務加實封其餘封賞有差遣使分行諸道宣諭仍令往均州慰勞譙王壬寅左千牛中郎將宋王成器為左衛大將軍司農少卿同正負衡陽王成義為右衛大將軍太府少卿同正負巴陵王進軌為左羽林衛大將軍太僕少卿同正負彭城王隆業為右羽林衛大將軍黃門侍郎李日知同中書門下三品癸卯殿中兼知内外閑廐檢校龍武右軍仍押左右廂萬騎平王諱同中書門下三品中書侍郎穎川郡公鍾紹京為中書令中書令鄧國公蕭至忠為許州刺史兵部尚書道遥公韋嗣立為宋州刺史中書侍郎趙彥昭為絳州刺史蕭韋趙特置位誅吏部尚書張嘉福於懷州其日王公百寮上表咸以國家多難宜立長君以帝衆望所歸請即尊位甲辰少帝詔曰自古帝王必有符命兄弟相及存諸典禮朕以孤藐遭家艱難顧茲蒙識未洽治途茫茫四海將何所屬累聖不基若墜于地王室多難義擇長君思與羣公推崇明聖叔

父相王高宗之子昔以天下讓于先帝孝友寬簡彰信兆人神龍之初已有明旨將立太弟以爲副君爲王懇辭未行冊命所以東宮虛位至于歷年徽綴在辰禍變倉卒然後補制許立冲人欽奉前懷願遵理命上申天聖之旨下遂蒼生之心俯稽圖緯之文仰跂祖宗之烈擇今日請叔父相王即皇帝位朕退守本藩歸于舊邸凡百卿士敬承朕言克贊我天人之休期光我有唐之勲業布告遐邇咸使聞知相王上表讓曰臣以宗社事重家國情深誅鋤巨逆奉戴嗣主今承制旨猥推宸極在臣虛薄不敢祗膺循環震驚無任感哽制答曰皇極大寶天下至公王者臨之蓋非獲已王先聖舊意蒼生推仰龍光紫宸貴允係望請遵 則旨勿或惟讓于是少帝遜于別宮是日即皇帝位御承天門樓大放天下常赦所不免並原之内外官四品已上加一階相王府官吏加兩階流人長流長任未還者並放還立功人王承晔已下千餘人賜爵秩有差封少帝爲王其日景雲見乙巳中書令鍾紹京爲戶部尚書越國公實封五百戶中書舍人劉幽求

爲尚書左丞徐國公實封五百戶並依前知政事左衛大將軍宋王成器爲太子太師雍州牧揚州大都督加實封二百戶宮人比來取百姓子女入宮者放還其家丙午新除太常少卿薛稷爲黃門侍郎叅知機務丁未許州刺史梁縣侯姚元之爲兵部尚書同中書門下三品兵部尚書韋嗣立爲中書令追削武三思武崇訓官爵戊申蕭至忠韋嗣立趙彥昭崔湜並停刺史衡陽王成義封申王巴陵王進軌封歧王彭城王隆業封薛王巴西鎮國太平公主加實封五百戶通前一萬戶秋七月癸丑兵部侍郎兼知雍州長史崔日用爲黃門侍郎叅知機務丙辰則天大聖皇后依舊號爲天后追謚雍王賢爲章懷太子庶人重俊曰節愍太子復敬暉桓彥範崔玄暉張柬之袁恕已成王千里李多祚等官爵丁巳河南洛陽華州並依舊名以洛州長史宋璟爲檢校吏部尚書同中書門下三品中書侍郎岑羲爲右散騎常侍壬戌以蕭至忠爲晉州刺史韋嗣立爲許州刺史趙彥昭爲宋州刺史兵部尚書姚元之兼太子右庶子吏部尚書宋璟兼

太子左庶子癸亥吏部侍郎崔湜為尚書右丞罷知政事甲子右僕射許國公蘇瓌兵部尚書姚元之吏部尚書宋璟右常侍判刑部尚書岑羲並充使冊定陵丙寅姚元之兼中書令丁卯蘇瓌為尚書左僕射仍舊同中書門下三品宋國公唐休璟致仕右武衛大將軍攝右御史大夫同中書門下三品韓國公張仁亶右衛大將軍戊辰崔日用為雍州長史薛稷為右散騎常侍並停知機務特進同中書門下三品趙國公李嶠為懷州刺史廢司田參軍己巳冊平王為皇太子大赦天下改元為景雲內外官九品己上及子為父後者各加勳轉自神龍以來直諫枉遭非命者咸令式墓天下州縣名曰天授以來改為武字者並令復舊廢武氏崇恩廟其吳陵順陵並去陵名景雲元年七月己巳制自今授左右僕射侍中中書令六尚書己上官聽讓其餘停讓追廢皇后韋氏為庶人安樂公主為悖逆庶人丁丑改太史監為太史府隸秘書省八月癸巳新除集州刺史譙王重福潛入東都構逆州縣討平之先是中宗時官爵逾濫因依妃主墨

勅而授官者謂之斜封至是並令罷免癸卯改門下坊為左春坊書坊為右春坊左右羽林衛依舊為左右羽林軍九月庚戌封皇太子男嗣貞為許昌郡王嗣謙為貞定郡王冬十月甲申詔孝敬皇帝神主先祔太廟有違古義於東都別立義宗廟丁未姚元之為中書令兼檢校兵部尚書十一月己酉葬孝和皇帝于定陵辛亥太子太師宋王成器為尚書左僕射蘇瓌為太子少傅侍中鄭國公韋安石為太子少保改封郇國公並罷知政事戊辰宋王成器為司徒兼領揚州大都督庚午太子少傅蘇瓌薨是歲韋庶人悖逆庶人並以禮改葬武三思父子剖棺戮屍二年春正月丁未朔山陵日近不受朝賀癸丑改泉州為閩州都督改榮州為泉州突厥默啜遣使請和魏許之已不太僕卿郭元振中書侍郎張說同中書門下平章事甲子改封溫王重茂為襄王遷于集州乙丑追尊皇后劉氏為肅明皇后墓曰惠陵德妃竇氏為昭成皇后墓曰靖陵二月丁丑令皇太子監國甲辰姚元之左授申

州刺史宋璟左授楚州刺史韋安石為侍中丙戌劉幽求為戶部尚書罷知政事戊子詔中宗時斜封官並許依舊庚申復置太子左右諭德太子左右贊善各置兩員戊戌郭元振為兵部尚書仍依舊同中書門下平章事己未改修文館為昭文館黃門侍郎李日知為左臺御史大夫依舊同中書門下三品夏四月庚辰張說為兵部侍郎依舊同中書門下平章事癸未分瀛州置鄭州詔以釋典玄宗理均跡異拯人化俗教別功齊自今每緣法事集會僧尼道士女冠等宜齊行道集甲申韋安石為中書令宋王成器為太子賓客仍依舊遙領揚州大都督丙申李日知為侍中壬寅大赦天下重福徒黨放雪京官四品己下加一階外官賜勳一轉三品己下各賜爵一級天下濫度僧尼道士女冠並依舊又令內外官依上元元年九品已上文武官威帶手中笄袋武官威帶七事鞞鞞並足其腰帶一品至五品並用金六品七品並用銀八品九品並用鍮石魚袋紫者金裝着緋者銀裝景龍三年己卯通懸並放免天下大酺五日五月庚戌復

武氏吳陵順陵仍量置官屬太平公主為武攸暨請也庚申韋安石加開府儀同三司辛丑改西域公主為金仙公主昌隆公主為玉真公主仍置金仙玉真兩觀壬戌殿中監竇懷真為左臺御史大夫同中書門下平章事六月壬午依漢代故事分置二十四都督府閏六月初置十道按察使秋七月新置都督府並停唯雜洛州長史揚益荆并四大都督府長史階為三品八月乙卯詔以興聖寺是高祖舊宅有柿樹天授中枯死至是重生大赦天下其謀殺劫殺造偽頭首並免死配流嶺南官典受贓者特從放免天下大酺三日丁巳皇太子釋奠于太學己巳韋安石為尚書右僕射同中書門下三品兼太子賓客禮部尚書竇希玠為太子少傅庚子改左右屯衛為左右威衛左右宗衛率府為左右司禦府渾儀監為太史監九月丁卯竇懷真為侍中冬十月甲辰吏部尚書劉幽求為侍中散騎常侍魏知古同中書門下三品太子詹事崔湜為中書侍郎同中書門下三品中書侍郎陸象先同中書門下平章事韋安石為尚書左僕射東都留

守特李日知為戶部尚書兵部尚書郭元振為吏部尚書侍中兼檢校左臺御史大夫竇懷真為左臺御史大夫兵部侍郎兼左庶子張說為尚書左丞罷知政事十一月戊寅改太史監為太史局依舊隸秘書省改王師為傳

三年春正月辛未朔親謁太廟癸酉上始釋慘服御正殿受朝賀甲戌并分絳三州地震壞人廬舍辛巳南郊戊子躬耕籍田巳丑大赦天下改元為太極內外官四品已下加一階三品已上加爵一級孔宣父祠廟本州取側近三十戶以供灑掃天下人酺五日特賜老人九十已上緋衫牙笏八十已上綠衫木笏乙未戶部尚書岑羲左臺御史大夫竇懷真並同中書門下三品二月丁酉祕書增少監一員光祿大理鴻臚太府衛尉宗正各增置少卿一員少府監將監增置少監一員國子監增置司業一員左右臺各增置中丞一員雍洛二州并益荆揚四大都督府各增置司馬一員仍分為左右司馬丁亥皇太子釋奠於國學追贈顏回為太子太師曾參為太子太保每年

春秋釋奠以四科弟子曾參從祀列于七十二賢之上辛酉廢右御史臺官員已巳頒新格式於天下夏四月辛丑制曰朕聞措刑由於用刑去殺存乎必殺明罰峻典自古而然立制齊人於是乎在自我朝建國僅將百年天下和平其來已久往承隋季守法頗專比襲時安持綱日緩况朕薄德甚莫逮先惟人難理遠不如昔粵從守位三載于茲庶務煩勞不損晷景嘗謂自我作則感而成化痛乎迷俗忘返不威罔懲將至純風先歸重典比者賊贖不息渝濫公行放心未寧禁犯無懼此焉變革則承平遂割小慈以崇大體自今已後造偽頭首者斬仍沒一房資財同用廢者並停奪非頭首者絞其承前造偽人限十日內首使盡官典主司在法受贓一匹以上先決杖一百其緣贓及惡共被解及與替者非選時不得輒入京城縱家貫在京不得輒至朝堂妄有披訴如有此色並決杖仍加貶斥其先在京城者限三日內勒還上下官寮輒緣私情相逼者其受囑人宜封狀奏聞成器已下朕自決罰其餘王公已下並解見任官三五年間不

須齒錄其遺狀人別加哀詔御史宜令分察諸司五月戊寅親祀北郊辛未大赦天下改元為延和相彥軌敬暉崔玄暉張柬之袁恕已等特還其子孫實封二百戶天下大酺五日六月癸丑戶部尚書岑羲為侍中乙卯追尊則天皇后曰天后聖帝哀申幽州都督孫儉率左驍衛將軍李楷洛左威衛將軍同以悖等將兵三萬與奚首領李大輔戰于劄山為賊所敗儉及李博士戌魏知古為戶部尚書仍依舊同中書門下三品秋七月庚午實懷貞為尚書右僕射平章軍國重事己卯上觀樂於安福門以備縱書經日乃止八月庚子帝傳位于皇太子自稱太上皇帝五日一度受朝於太極殿自稱曰朕五品已上除極及大刑獄並自決之其處分事稱詔令皇帝每日受朝於武德殿自稱曰子三品已下除授及重罪並令決之其處分事稱制初甲辰大赦天下改元為先天八月戊申皇帝子許昌王嗣直改封郟王真定王嗣謙為郟王己酉以宋王成器為司空依舊遙領揚州大都督庚戌實懷貞為尚書左僕射同中書門下三品仍兼御史大

夫劉幽求為尚書右僕射依舊同中書門下三品魏知古為侍中崔湜為中書令並監修國史丁巳立皇帝子妃王氏為皇后癸亥劉幽求配流封州九月丁卯朔日有蝕之甲申封皇帝子嗣昇為陝王冬十月庚子皇帝親謁太廟禮畢御延喜門大赦天下壬寅祔昭成皇后肅明皇后神主於儀坤廟癸卯皇帝幸新豐之温湯校獵於渭川十二月丁未誥禁人屠殺犬雞戊午改箕州為儀州

二年春正月勅江北諸州團結兵馬皆令本州刺史押掌乙亥吏部尚書兼太子右諭德鄴國公蕭至忠為中書令上元日夜上皇御安福門觀燈出內人連袂踏歌縱百寮觀之一夜方罷二月丙申改隆州為聞州始州為劍州分箕州置深州初有僧婆施請夜開門然燈百千炬三日三夜皇帝御延喜門觀燈縱樂凡三日夜左拾遺嚴挺之上疏諫之乃止三月辛卯皇后祀先蠶癸巳制勅表狀書奏牋牒年月等數作一三三十四十字夏六月丙辰兵部尚書朔方道行軍大摠管郭元振加同中書門下三品秋七月甲子太平公主與僕射竇

懷貞侍中岑羲中書令蕭至忠左羽林大將軍常元楷等謀逆事覺
皇帝率兵誅之窮其黨與太子少保薛稷左散騎常侍賈膺福右羽
林將軍李慈李欽中書舍人李猷中書令崔湜尚書左丞盧藏用太
史令傅孝忠僧惠範等皆誅之兵部尚書郭元振從上御承天門樓
大赦天下自大辟罪已下無輕重咸赦除之翌日太上皇誥曰朕將
高居無爲自今後軍國刑政一事以上並取皇帝處分開元四年夏
六月甲子太上皇帝崩于百福殿時年五十五秋七月己亥上尊謚
曰大聖貞皇帝廟曰睿宗冬十月庚午葬于橋陵天寶十三載二月
改謚曰玄貞大興孝皇帝

史臣曰法不一則姦僞起政不一則朋黨生上既啓其泉源下胡息
於奔競觀夫天后之時雲委於二張之第孝和之世波注於三王之
門獻竒則除設盈庭納賄則斜封滿路咸以進趨相軌姦利是圖如
火投泉安得無敗洎景龍繼統汚俗廓清然猶投杼於乘輿之間抵
掌於太平之日以至書頻告變上不自安宮臣致禦魅之科天子慊

巡邊之詔彼既彎弓而射我我則號泣以行刑此雖鎮國之尤亦是
臨軒之失夫君人老愛錫之以典刑納之於軌物俾無僭逼下絕覲
觴自然治道惟新亂階不作孝和既已失之玄貞亦未爲得
贊曰孝和玄貞皆肖先人率情背禮取樂於身夷塗不履履轡攸遵
扶持聖嗣賴有賢臣

唐書本紀卷第七

武吉本...

...

...



(Left page is mostly blank)

